

16923

D/16423

DE

Pf. 3 1. 1. 1. 1.

VOCIS HAESITANTIA.

DISSERTATIO INAUGURALIS MEDICA,

QUAM

CONSENSU ATQUE AUCTORITATE
AMPLISSIMI MEDICORUM ORDINIS

IN

UNIVERSITATE CAESAREA LITERARUM

DORPATENSI,

UT GRADUM

DOCTORIS MEDICINAE

RITE ADIPISCATUR

LOCO CONSUETO PUBLICE DEFENDET

A U C T O R

PAULUS PETRUS HAUDELIN

ESTHONUS.


DORPATI LIVONORUM.

TYPIS J. C. SCHUENMANNI,

TYPOGRAPHI ACADEMICI.

M D C C C X X V .

1835



V I R O

IMPRIMATUR

haec dissertatio, ea tamen conditione, ut, simulac
typis excusa fuerit, quinque ejus exempla collegio libris
explorandis constituto tradantur.

Dorpati Liv. die XIX, m. Sept.. a. MDCCCXXXV.

DR. ALEX. HUECK,
Ord. Med. h. t. Decanus.


DOCTISSIMO, EXPERIENTISSIMO

PRAECEPTORI HUMANISSIMO

T. F. E. SAHMEY

MEDIC. DOCT., A CONSIL. COLLEG., THERAPIAE ET
CLINICAE PROF. PUBL. ORD. IN CAESAREA LITE-
BARUM UNIVERSITATE DORPATENSI, ORDINIS ST.
WOLODIMIRI ET ORDINIS STANISLAI EQUIT.

UT PUBLICUM PRAEBEAT GRATI ANIMI
DOCUMENTUM,



428515

246347094

ATQUE

VIRO ORNATISSIMO,

PATRUO DILECTISSIMO

H. J. BERG

A REGE SUECIAE ET NORVEGIAE MERCATORIAE
REVALIENSI PROCURATORI INSTITUTO, SENATORI
ET MERCATORUM COLLEGIO PRIMO ADSCRIPTO

OB PRAESTITA ET IN IPSUM CUMULATA
BENEFICIA

HOC PRIMUM LITERARUM SPECIMEN

D. D. D.

AUCTOR.

Antequam in haesitantiam vocis ipsam inquiramus, necessarium mihi videtur brevibus praemittere, qua ratione physiologica perficiatur loquela, quaeque sit ejus notio. Cum vero uberior sit materia, quam ut, nisi fines libelli a me constitutos excedere velim, eam exhaustire possim, ea tantum afferam, quae praemitti oportet ad derivandas stabiendasque postea conclusiones.

Sensu latiore quodque signum, quo individuum alteri ejusdem vel alius speciei ea, quae animo sentit vel cupit, manifestare studet, proloquia est habendum: quem in finem ne propria quidem huic officio destinata organa requiruntur, sed eadem, quorum opera motus quilibet perficitur. In animalibus vero superioribus natura facultatem, status internos manifestandi perfectiorem reddidit, cum organis respirationis concentratis illa instruebat, additoque in ipsorum aditu mechanismo efficiebat, ut aér, ad vitam omnem sustentandam maxime necessarius, quare continuo vicissim inducitur et emittitur, motus oscillatori compos fieri posset. Inde sonitus sui

generis oritur, vocis nomine praeditus, cuius opera distinctius animi sensus cupidinesque significari possunt.

Refutant vero physiologi plerique notionem hanc latam: omnino removent a loquelaे notione gestus, et propriam contendunt esse artem, mentis cogitata et animi sensa gestibus exprimere: dubitandum vero, num jure hoc fiat, cum secundum inquisitiones recentiorum physiologorum, praecipue cl. C. Bellii, relatio major iuler loqueland et gestus, praccipue facioi, adsit, quam quae primo intuitu appareat. Loqueland esse statuunt illam organorum certorum potestatem, qua vim exhibeant iu aërem expirando e pulmonibus protrusum, quoque forment diversos sonos. Homini soli eam vindicant, non quod partium ad loqueland perficiendam conferentium structura in ipso perfectior sit, quam in animalibus superioris ordinis, neque quod peculiaria organa accesserint, sed quia solus homo compos est rationis, cogitataque mentis et notiones in ipso efformentur, ad quorum significationem apte collocandis partibus his variis multifarios sonos invenire debuerit. Homo solus, Rudolphi (*) cl. inquit, loquelaе est particeps, acque ac rationis: utramque altera postulat, utraque alterius opera perfectior redditur, neutra alterius genitrix. Sic etiam in hominibus singulis facultatem loquendi non eandem semper esse videmus, sed diversam pro animi viribus, cuique natura ui-

butis; ideoque, ratione prorsus deficiente, quod quidem apud infantes mentis expertes natos statuendum est, nunquam linguam articulatam efformari. Cum vero soni, in quorum conjunctione multisaria tota loquela est constructa, uno tantum percipi possunt sensu, auditu, etiam hic ad parieudam loquelandam requiritur, cum tantum loquendi facultas innata sit hominibus, minime vero loquela ipsa aequa ac ulla notio. Non mirandum, propterea surdos mutos etiam loquela privatos apparere, ita ut jam nomen horum miserorum utrumque vitium indicet (Taubstumme.) Si adsunt, quae supra requirebantur ad loquelandam persiciendam, ergo si sonum auditu percipere potest homo, et evoluta est ejus ratio ita, ut de illo notionem eti nondum perspicuum sibi formare possit, id tantum restat, ut loquendi conatum ipsum instituat. Quod tantum organis certis voluntati subjectis effici potest.

Partem, quam physiologia in disquirienda loquela habeat, scriptores plerumque ita determinant, ut ejus sit dijudicare, quibus organis et qua ratione loquelaе elementa sive singuli soni simplices formentur. Mihi quoque haec res paulo copiosius pertractanda est; antequam tamen ordiar, comparabo, quatenus varii scriptores, quorum libros mihi conciliare potui, tres allatas res, quae ad loquelaе notiōnem necessario pertinent, in definitione loquelaе respxerint: quae quidem ab illis magis minusve perfecte in definitionem receptae sunt.

Conradus Ammann (*) dixit: loquela se;

*) Dissertatio de loquela. Amstelaedam 1710. p. 18.

*) Grundriss der Physiologie, Bd. II. Abthlg. I.
pag. 394.

locutio est actio hominis, qui aërem tam sonorum quam non sonorum organis quibusdam, quae longo et frequenti usu movere didicit, ita flectere et articulare potest, ut voces auditu prius perceptae et ope organorum istorum redditae, easdem in aliis ac olim in se ideas excitent. Sauvagesius (*) loquela est, inquit, vox articulata, seu ope cavi narium et oris, uvulae, linguae, labiorum et dentium modificata, ita ut non solum ideis confusis referendis par sit, cui scopo sufficiunt clamor, susprium, risus, fletus, aliaeque voces bruto et homini communes: sed ut ad ideas distinctas et syllabarum seriem his ideis respondentem significandas sufficiat.

Haller (**) cl. dicit: si toni varii et ipsi in simpliciores resolvi nequeunt, erit loquela potius vocis ex glottide expulsae a lingua, ore, nari bus in ejusmodi elementa formatio, quibus animae sensa cum aliis mortalibus communicamus.

Omnis fere recentiores auctores, quorum scripta de hac materia perlustravi, in eo conveniunt, quod loqueland vocem articulatam nominant, quae definitio jam veteribus nota erat; nam Sprengelio (***) cl. teste Diogenes Laërtius loqueland esse dixit: Φωνη ἐραρθρον, και απὸ dia-

υονας ἐκπεμπομένην. — Num additamenta ad accuratiorem definitionem et majorem perspicuitatem notionis aliquid contulerint, definitio haec demonstret, proposita a viro docto (*), qui nuperime hoc argumentum accurate perscrutatus est: Man hat — inquit — jederzeit die Bildung der Sprache bequem und so erklärt: Sprache sei articulirte Stimme, modifizirt durch die Bewegungen von Zunge und Lippen, so wie durch das Anschlagen der Luft gegen die Zähne und die Wände der Mundhöhle, welche in allen ihren bewegbaren Theilen unter dem Einflusse einer vom Hirn ausgehenden Nervenzuleitung stehend, nach den Anordnungen des Hirns die zur Bildung der Reihe von Tönen, durch welche die Menschen ihre Gedanken mitzutheilen übereingekommen sind, erforderliche Stellung annehme.

DE LOQUENDI MECHANISMO IN GENERE.

Cum loquendi artificium minime uno tantum organo perficitur, sed in hunc scopum partes conseruant, quae praeterea peculiari quodam munere funguntur, ab hoc, de quo agimus, longe differente, totam machinationem intelligere non

*) Sauvages Nosol, meth. T. II. P. II. Jos. Frank: Præxeos medic. præc. P. II. Vol. II. Lipsiae 1823.

**) Elementa physiologica. Tom. III.

***) Institutiones physiologicae. Tom. I. Amstelae-dami 1809. pag. 509.

*) M. Colombat: über das Stottern u. andre Sprachgebrechen. Aus d. Franz. übers. von J. E. F. Schultze. Ilmenau 1831. pag. 18.

possimus, priusquam cognovimus, quantum sit attribuendum singulis in effectu hoc; postea deum, his omnibus exploratis, ipsarum vim cum ad procreanda loquelae virtus in genere, tum ad malum nostrum aestimare poterimus.

Loquendi mechanismus, consentientibus fere omnibus physiologis, ut Rudolphio (*), Prochaska (**), Baerio (***)¹, Lenhossekio (****), caet. in vocis formatione positus est, ejusque modificatione per varias cavi fauicium, narium orisque partes. Modificatio haec ab ipsis pro loquelae charactere habita est, et articulatio vocis denominata, — sicuti organa, quorum actione congruente conficitur, organa loquelae peculiares dicuntur. Sic Ammann (†) organa loquelae proprie consecrata esse dicit, quae vocem et spiritum, sermonis materiam, varia literarum forma induant; et Prochaska (††) contendit: das eigentliche Organ der Sprache ist die Rachen-höhle, Mund- und Nasenhöhle. Eadem sententiae addicti videntur cl. Rudolphi, Sprengel, caet. cum in quaestione de sonis in loquendo adhibitis tantummodo nominatarum partium habeant rationem, vocemque considerent tanquam abso-

lutum paratumque quoddam. Omnino alia ratione, et fere huic opposita cl. Mayer (**) rem explicat: ad organa loquelae etiam rimam glottidis refert, quam peculiari modo in proferendis sonis singulis quibuslibet agere contendit, praesertimque, ut infra videbimus, in qualibet consonantium classe a se statuta quasdam esse docet, quae tantum rima glottidis opera procreantur. Affirmatur hoc observatione cl. Chladnii (**), qui in pronuntiandis vocalibus semper mutatum laryngis statum animadvertisit, quae tamen mutatio minime inde est derivanda, quod vox ipsa sit gravior aut acutior, cum in quolibet laryngis statu in conspectum veniat eadem. Etsi observations de materia hac difficillimae institutu, et institutae fere difficiliores adhuc aestimantur sint, partim quia non sufficiat cognitio partium relativarum anatomica, si discernere conemur, quantum in functione loquendi tam composita, sit attribuendum singulis, partim quia virorum doctissimorum observationes, quas tantum in se ipsis facere posuerunt, magis veritatem subjectivam quam objectivam nobis praebent, tamen proprius accessisse videntur ad veritatem cl. Mayer et Chladni, quam alii. Nam si consideramus, qui dicuntur ventriloqui (*γυαστροφυστοι*), qui eosdem loquelaes sones proferunt, quos alii, omnino vero quiescentibus labiis: in eorum

*) l. c.

**) Physiologie des Menschen. Wien 1820.

***) Vorlesungen über Anthropologie von Dr. Carl Ernst v. Baer. Königsberg 1824. pag. 418 caet.

****) Institut. physiolog. organismi humani auctore Michæle a Lenhossek. Vol. II. Viennæ 1822.

†) l. c. pag. 34.

††) l. c. pag. 316.

*) Meckels Archiv für Anatomie und Physiologie 1826. pag. 200 caet.

**) L. W. Gilberts Annalen der Physik. Jahrgang 1824. pag. 187 caet.

vultu, praecipue si jam satis exercitati sunt, ne minimus quidem loquendi nisus animadvertisit, quo sit, ut auditores frustrari iis fere semper contingat. Isti rimae glottidis opera, ut mihi videtur, literas elaborare inspirando sciunt, ad quarum pronunciationem a nobis alia requiruntur organa. Ergo, etiam hanc partem ad organa loquelaes esse adnumerandam, neque solummodo tanquam vocis principium considerandam esse censeo.

Sed et in alio respectu horum sententia praevalere videtur. Si actionem loquendi compositam fingeremus ex momentis his duobus, vocis formatione et ejus articulatione, ita ut modo in vocem jam formatam vim exhibeant partes articulationis, inde sequeretur, rationem successivam interesse inter utrumque momentum, quod probare esset difficillimum: atque etiamsi in singulis, abruptis locutionis sonis cogitari possit, quamquam celeritas etiam hic tanta est, ut discriminem quodpiam omnino evanescat, tamen certo non adest in sermone, ex singulis partibus variis composito, usque ad finem uno tenore producto, actusque hic nisu partium relativarum isochronico perfici videtur. Deberet porro vox tantum quoad status varios, quibus obnoxia est, ut gravitatem, altitudinem, (Höhe) raucedinem, seu, Jos. Frankio cl. auctore, quoad vocis tonum, vim exhibere in loquclam, ut revera videntur: omni autem experientiae repugnaret hypothesis, vocis defectu, seu aphonia, semper etiam loquela privari hominem, quae conclusio non incepit derivari potest ex hac ratione explicandi mechanismum in loquendo. Praecipue

uno sensu percipimus loquentes, et propterea vox, seu principium sonans, quod percipi potest, referenda est ad loquclam, sed minime tamquam vox *καὶ ἐξοχὴν*, i. e. neque tamquam significatio involuntaria statum internorum, praecipue animi, neque tamquam ars, in canendo, rhythmi legibus obtemperans. Quo respectu discrepat haec a voce, qua in loquendo uti solemus, ita ut status morbos, qui loquclam turbant et corruptunt, eam minime tangant, quod morbus, de qua mox agemus, comprobatur. Eadem interest inter utramque ratio, quae inter auditus sensum in genere, ac facultatem illam subtilem, sonorum jucundorum seriem, seu melodiam et harmoniam cognoscendi. Cum vero non simplex sit vocis procreatio, - quomodo rem satis bene explicare possimus, mox inveniemus, in elementa simpliciora eam dissolventes. Respirationem ponamus esse quasi fundamentum diversarum functionum, quae ex ipsius conjunctione cum actione complurium musculorum, qui reguntur voluntate, oriuntur, e quibus tamen quosdam eligit voluntas secundum necessitatem. Ita vel *musculos rimae glottidis solos in aërem exspiratum agere, vocemque oriri, videmus, vel conjuncta cum illis linguam, palatum molle, durum, labia caet. agere ad efformanda sermonis elementa.* Semper in his casibus operantur glottidis musculi, sed non necessarie eodem modo, quo ad vocem procreandam; aliter in loquendo agunt, aliter in cantu verbis stipato, aliter in cantu sine verbis.

Consistit ergo loquendi mechanismus eo, quod organa loquelaes, i. e. rima glottidis, lingua,

palatum molle et durum, dentes, buccae, labia vario modo interveniunt aëri exspirando e pulmonibus protruso, eoque varius locutionis elementa seu sonos gignunt.

Quod ad rimam glottidis effectum in loquendo pertinet, pponenda mihi videntur pri-
mum leges, e quibus vocis procreationem ex-
plicare solent physiologi. Potest glottis muscu-
lorum parvorum opera, qui ligamenta vocalia
intendere et relaxare, admovere et removere
valent vel in alteruira dimensione, vel in utra-
que mutari, quo sit, ut interstitium, transconti-
aëri patulum, vel coarctatum appareat, vel di-
latatum. Ad sonum procreandum glottidis coar-
tatione opus esse, unanimiter sere statuant physiologi: et ratione quidem directa crescit angus-
tia interstitii, et ligamentorum tensio, eoque
magis tollitur larynx, quo altior redditur sonus.
In sonis vero edendis gravibus magis magisque
dilatatur glottis, relaxantur ejus ligamenta et
deprimitur eodem tempore larynx. Attamen so-
nus tantum ingravescere potest, secundum legem
a Kempelenio (*) cl. promulgatam, a Rudolphio
aliisque physiologis acceptam, quandiu nondum
superavit rima glottidis spatium duodecimae vel
decimae pollicis partis: si excesserit amplitudi-
nem hanc, aëris ut in respiratione solita non so-

nora permeat. Cujus rei mentionem non facit Lenhossek, qui tantum affert, oportere aërem in-
spiratum per rimam glottidis cum vi aliqua et
ceteritate pelli. Liscovius (*) vero contradicit
expositioni huic, et satis ingeniose rem explicare
conatur: rimae glottidis dilatationem aut coarc-
tationem pendere dicit e muscularum actione,
qui ligamenta vocalia movent, et ratione anta-
gonistica sibi oppositi sunt: quae non modo,
si agunt, perspicua esse debet, sed etiam in
statu quieto. Momentum vero quietis muscularum
antagonisticorum ibi quaerendum, ubi ex-
aequantur eorum vires; ergo paribus fīs accu-
ratae ī medio spatio intet directionem utrumque
extremam collōcandum esse, imparibus vero,
tanto defleciens a medio, quanto superat potior.
Momentum quietis rimae glottidis, muscularum
que eam moventium, est respiratio nou sonora;
cum designantur fines actionis muscularum aper-
tūraeque glottidi tono acutissimo et gravissimo,
tantum abest ut illa magis dilatari possit, quam
opus est ad gignendum tonum gravissimum, ut
ea amplitudine gaudere debeat, quae responderet
viribus motricibus muscularum, et quae inter
limites lineae unius inveniri debet, si prorsus
verum est dictum, glottide amplitudinem lineae
superante non amplius procreari posse vocem.
Comprobatur sententia haec positione laryngis
inter quiete respirandum respondente rimae glot-

*) Wolfgang v. Kempelen: Mechanismus d. menschlichen Sprache nebst der Beschreibung einer sprechen-
den Maschine. Wien 1791. pag. 191: cf. Rudolphi
l. c. pag. 369 caet.

*) Meckels Archiv für Anat. u. Phys. Jahrg. 1826.
pag. 119 caet.

tidis statui, quae omnino inaequalis illi, quam in efferendo sono gravissimo animadvertere licet; est illa intermedia quedam inter positionem laryngis in edendo sono gravissimo et eam, quam in efferendo acutissimo habet, sed non apud omnes eadem.

Ex hac amplitudinis rimae nostrae ratione tonus pendet, quo sermocinantes utimur: in univorum loqui solemus certis quibusdam sonis, nisi materia, de qua agitur, majorem requirit vivacitatem, vel character loquentis hujusmodi est. Constituuntur hi toni amplitudine mediariae glottidis, respondentque huic laryngis positione, de qua certiores reddimur, si collocato larynge, ita ut modo descripsimus, in medio tonum edamus, qui circiter quartuor aut tribus intervallis gravior erit quam medius in toto vocie nostrae ambitu. Cum soni hi minima magnitudinem intensione efficiantur, eos quam maxima loquentes adhibemus, et si cuique, si poposcerit, et acutioribus et gravioribus uti licet sonis.

In glottide, ut his demonstratum est, nunquam impedimentum adest, quominus non redditur sonora respiratio, cum in quoque momento talem offerat aperturam, quae necessaria apparuit physiologis in hunc finem. Secundum Rudolphium cl. omnino explicare nequiremus, quomodo posset exire aer non sonorus, cum ille dicit: „die Stimme ist der Schall, welcher entsteht, wenn die Lust durch die verengte Stimmritze gestossen wird;“ nos vero nimiam rimae glottidis amplitudinem nunquam hujus phaenomeni causam sufficientem esse cognoveri.

mns. Eodem modo frustra evolveres scripta Mayeri, Magendii, Baerii, qui consentitum cum Rudolphio. Prochasca tamen et Lenhossek maiore vi debere aerem propelli contendunt, et quasi secundum momentum ad vocem formandam hoc addunt. Nevera a plerisque physiologis momentum hoc tantum ad vocis robur referrebatur. Augeri debet, quo acutior est sonus proferendus, sed in gravibus edendis non immittetur necesse est ad rationem crescentis rimae glottidis amplitudinis. Liscovius certe nimii fecit momentum hoc, cum ex eo solo vocis originem derivari posse crederet: nam per se nequa status coarctationis glottidis, neque vis aucta, qua protruditur aer e pulmonibus, conditio absoluta causaque sufficiens vocis est: sed utriusque conjunctio ex voluntatis impulsu, cum consilio ejus procreandae, hunc eventum habet.

Susurrare possumus, i.e. loqui sine voce, si glottide arctiore redditu omnino non commutamus impetum aeris, vel non mutata illa tam parce augemus, ut sonora reddi non possit: magas cum sonorum acutorum, graviumque alternatione, imo carentibus nobis loqui contingit, et eosdem sonos ex arctissima glottide cum maxima aeris vi emittere, quos susurramus. Patet inde, in proferendis sonis glottidem peculiari modo agere, ut statim videbimus.

DE VOCUM SINGULARUM FORMATIONE.

Soni, e quibus componitur loquela, ejus elementa dicuntur: inde ab omni tempore distributi sunt in vocales et consonantes. In universum hoc de earum natura valet, ut insit vocalibus principium sonans, quare per se (soli) existere possint, pronuntienturque cum minima canalis inter rimam glottidis et labia sili mutatione: consonantes vero tantum vocalium modifications sint. Sic Ammann (*) cl. vocales voce clara, ait, et minime impedita, absque ulla cum aliis miscela pronuntiari; et Sprengel (**) cl. vocales solo oris rictu diducto formari. Mayerus contra vocales negat esse sonos proprios, sed potius consonantium modifications.

Ex antiquissimis jam temporibus notae sunt quinque vocales, a. e. i. o. u. quarum variae sunt modifications seu transitus ex altera ad alteram, quae in sermone distincte discernuntur, scriptae vero in paucis tantum casibus designantur. Sunt scriptores, qui ex hac causa magnam vocalium quantitatem afferant: Colombat duodecim enumerat, Schultheiss in dialecto pagi Tigrini sola quindecim distinguit: Chladni (***) has proponit decem:

Efficitur litera *a*, omnibus loquelas organis quam maxime patulis. Ex hac tres vocalium series existunt:

- 1) coarctato paulatim canali inter labium utrumque: a, — ò — ó — u.
- 2) constricto sensim faucium isthmo: a, — é — é — i.
- 3) ex amborum conjunctione: a, — ò — ó — ui.

Memoratu dignum est, in proferendis his vocalibus quam maxime perspicacem esse laryngis elevationem vaciam. In pronunciatione litterae *a* jazz magnopere tollitur, et positionem hanc in omnibus primae seriei vocalibus prouinciadis obtinet. Sed magis magisque attollatur in ultraque serie reliqua. Quod tamen, ut jam supra monui, non ita explicandum, ut vox ipsa sit acutior reddit, cum in quoque laryngis situ, secundum indolem literarum singularium intatio haec appareat, neque in susurru desideretur, ut quisque in se ipso experiri potest. Argumentatn potius hoc phaenomenon peculiarem glottidis actionem in vocalium articulatione. Mayer peculiarem hanc actionem distinctius describere studet, quemque vocalem cum explosione, vel potius cum sono glottidis explosivo pronuntiari docens, quem tamen hucusque signo quodam manifestare non didicimus. Ipse in vocalium formatione præterea rationem habet linguae et epiglottidis: in pronuntianda *l. a* sonus glottidis explosivus e faucium isthmo oreque aperto, plana lingua et epiglottide prodit: corrotundatur os si *l. o*, etiam magis si *l.*

*) l. c. pag. 57.

**) l. c. pag. 518.

***) Gilberta Annalen der Physik, l. c.

u proferri debet, dum immutata manet epiglotis; in pronunciatione *l. e* excavatur linguae radix, involviturque canalis instar epiglottis; utrumque etiam majore gradu in *l. i..*

Diphthongi sunt verae, quae duas simul vocales referunt. Consonantes illae literae dicuntur, quae per se non sonant sed vocali simul adjuncto: quae tamen definitio non sufficit, cum plures, etiam vocali deficiente proferri possint, ut illae, quae aspiratas nominavimus. Ammann cl. consonantes esse contendit, quarum via non tam in sono quodam, quam in varia spiritus non sonori configuratione consistat, et Baer (⁴) cl. voces nominat articulatas, ubi sonus simplex (vocalis) impedimento quodam cohibetur. Secundum Chladnium praecipue eo differunt a vocalibus, quod in pronunciatione illis in qualibet organorum loquela parte major formatur coarctatio, quam in his. Plurimae consonantes molles duraeque edi queunt, et eo quidem, quod in his partium approximatio aut praecclusio minore vi, et gradatim vel succedit vel tollitur, in illis vero majore vi et repente.

Duplici modo affinitatis vinculo inter se nexae sunt literae consonantes: vel secundum organa, quorum opera formantur, vel secundum rationem, qua efficiuntur, secundum ipsarum indolem sive characterem. Omnes fere scriptores, quoad earum originem, eas tantum partes respi- ciunt, quae supra glottidem collocatae sunt;

⁴ I. c. pag. 462.

Mayer cl. solus ab hac considerandi ratione decedit, Schultessum in expositione de literarum generatione utriusque momenti rationem habentem et ego sequar.

I. *Nasales literae* efficiuntur eo, quod per nares prorumpit aer ore clauso vel: labiis, (nguo-labiæ *l. m.*) vel lingua ad marginem superiorem alveolarem appressa, (*l. naso-lingualis n*) vel linguae radice ad palatum adlisa, (*l. ng* aut nk vel secundam Chladnium n̄): Francogalli non modo ut Germani *l. n* ante k et g, aut ut Graeci y ante y, w, z, ita pronunciationem, sed multas habent ejusmodi literarum compositiones (combe, enfer.)

II. *Mulæ*, explosivæ Ammanni, exortuntur, si aeri per oris cavitatem exire conanti, permeatus hic, clausus ante labiis, lingua aut fauclum isthmo, repente aperitur: sunque vel molles, ut *l. b. d. g.* si non magna vi comprimebatur ante aeri, patebantque nares: vel durae *l. p. t. k.*, si fortiter pressus aer choanis velo pendulo clauso, magna vi protruditur. Referuntur huc: 1) *l. labiales b. p.*; 2) *l. linguales d. t.* et 3) gutturales *g. k.*, vel *qu.*, *l. c* ante *a. e. u.* Francogallorum. Hae omnes literæ protrahi nequeant.

III. Ad spiritus adnumerat auctor *l. i. j. h.*, quarum priores efformantur eo, quod spatium inter labium utrumque, aut inter linguam palatumque durum quam maxime coarctatum, dilatatur ad emitendam vocalem. Literam *h.*, quam Baer ad simplices seu vocales refert,

in glottide oriri contendit, cum inter exspirandum repente ita tendatur glottis, ut proximatur vocalis: addo his, idem evenire, si ligamenta glottidis per nonnullum tempus tensa repente relaxantur, ut quisque in semetipso sentire potest, qui post inspirationem profundam claudit rimam glottidis, tempore autem nonnullo interjecto ad emitendum aerem aperit.

IV. Aspiratae gignuntur strepitu, quocum aer per foramen coarctatum in cavitatis oris parte anteriore, media, aut posteriore prope illitur. Omnes hae audiuntur per se, vocali non adjuncta, tamque diu protrahi possunt, quam exspiratur. Adnumerantur his quinque literae: 1) lit. *f* (Germanorum *v*) pronuntiatur labio inferiore ad dentes incisivos superiores addito; 2) lit. *th* Anglorum; 3) lit. *s* efformatur dentibus superioribus ad inferiores admotis, linguaeque parte anteriore convexa ad palatum ita adducta, ut aer per interstitium angustissimum exire cogatur. Mollis pronuntiari potest, ut Francogallorum *z*, Russorum *z*, vel dura; 4) lit. *sch* eodem fere modo efficitur, sed interstitium inter linguam et palatum latius, planius, remotiusque a dentibus constituitur; 5) lit. *ch*, in lingua vernacula nostra quam saepissime cum *g*, *j*, commutata, approximationem requirit posterioris linguae partis ad eandem palati regionem. Schultheiss aspiratas auctas sive expolentes addit, quae eo fingantur, quod meatus aeri exire coacto non modo coarctatus, sed plane clausus sit, et lit. aspirata cum explosione promatur: affert lit. *pf*, Germanorum *z*, seu *c*

ante *e* et *i*, et *tsch*: lingua Russica plures continet sonos hic referendos ut: *ii*, *u*, *uu*.

V. Ad Liquidas tantum *r* et *l* adnumerat; in formatione prioris earum, lit. *r*, apex linguae tollitur et palatum versus pressa celerimos facit vibrationes, ita ut aer tantum in celerrime sibi succendentibus insultibus prorumpere possit. Lit. *l* pronuntiatur, si linguae apice ad marginem alveolarem superiorem vel ad palatum admodum aer ex utroque latere protruditur.

Cl. Mayeri de consonantiam formatione expositionem, cum ab hac valde differat, brevibus his adumbrare canabor. Organa, quorum opera consonantes proferuntur sunt: 1) cartilagine aryaenoideae et ligamenta glottidis; 2) arcus posteriores palati, velumque pendulum; 3) lingua et 4) labia, quae singula tamen quamque consonantium fundamentalium sibi vindicant. Quatuor eartum proponit classes: 1) consonantes sibilantes, quae omnium simplicissimae jam leniter exspirando coarctata paululum glottide gignuntur; lit. *h* nihil aliud requirit: aspera vero *h* aut *ch*, *j*, *sch*, *s*; *f*, *w*, (*v*) orientur si deinceps a glottide usque ad labia formantur coarctationes, per quas leniter emittitur aer; 2) consonantes explosivae: conrahuntur repente et assultim organa loquela, aut eodem modo expanduntur: duplex est harum elocutio, et in aperiendis et in claudendis viis aerophoris. Sonum explosivum glottidis cum appellat quicum quaeque vocalis emittitur, qui tamen nondum designatus est: idem veli penduli est lit. *k*, ore clauso *q*; — linguae dorsi lit. *g*,

clausa via aërophora l. *ng*; linguae apicis ad palatum durum admodum lit. *d*; clausa simul via aërophora lit. *n*; ejusdem ad dentes incisivos adposita est lit. *t*; sonus explosivus tandem laborum, lit. *b, p, m*; 3) consonans tremula una tantum efficitur, lit. *r*: et quidem gloriosissima ope illa lit. *r*, quae in cantando inter vocis vibrationem percipitur; contremescere vero simul putat cartilagines arytaenoideas et epiglottidem. Lingua et uvula lit. *r* gutturalem efformant; meram vero usitatissimamque hanc literam linguae apex: et labia denique efficiunt sonum hunc motu qrepente; 4) consonans undulans etiam unica est, lit. *l*, cui producenda quam maxime accommodata est lingua.

Ex singulis his sonis numeroissima compositione syllabae perficiuntur, adhibitisque hisnum simplicibus tum inter se multifarie coniunctis vocabula, quae per associationem vehicula sunt cogitatorum. Jam inde a tenerrima aetate organa haec loquela in servientia exercentur in imitandis, quae auribus percipiebantur, sonis, syllabis, vocabulis, donec procedente mentis evolucione satis exercitata sunt ad articulandas totas periodos sine interpellatione. Plurimi, ut supra vidimus, scriptores hujus momenti in loquela definitionibus rationem habuerunt. Ammann, in cuius definitione desideratur, alio loco, loquendi artificium consistere ait in concinna quam plurimorum vocabulorum combinacione, quas nascantur ex diversorum sonorum et spirituum, qui alias litterae vocentur, apta et successiva pronuntiatione. Si additur hoc ad

eius definitionem, ex omni parte sufficere videatur, cum ille solus sit, qui non ad vocem, tamquam vocem, resixerit.

DE VOCIS HAESITANTIA.

Haesitantia linguae a. vocis, ischophonia, begayement, Stottern, ex omnibus, quibus obnoxia sunt organa hominis loquela, malis cerebellime occurrit, molestissimumque est, cum homines vitio hoc laborantes non solum a multis negotiis excludere, atque amoenitatibus vitae socialis privare valeat, sed etiam majori gradu phaenomena provocare soleat, quae etsi non directa via periculum moliantur vitae, tamen in animi corporisque valetudinem ini quam exhibeant vim. Non alienum esse videatur a veritate, malum hoc cum loquela usu simul ortum, per totumque terrarum orbem divulgatum esse, quamquam certi explorati de hac re nihil nobis est communicatum. Veteres scriptores nihil aliud fere commemorant, quam solum nomen, quid significet, nobis explicandum relinquente. Diu res omnino veluti extra fines artis nostrae salutaris sita habebatur, tum ob vim noctivam exiguum, quam in valetudinem miserorum exercere videbatur, tum propter difficultatem instituendae curae rationales et applicandorum apte medicaminum. Certe etiam prioribus temporibus homines artis nostrae ignari, malo huic medendo operam navrant, ut nunc quoque methodus ejus sanandi inventa est a vidua quadam in America septen-

trionali, quae nunquam neque aegrotorum neque medicorum, ipsam in usum vocantium, spem fefellisse dicebatur, quare nuperime medicorum animi in hanc materiam convertebantur.

Proponam lectori quae medici ad naturam, sedem curamque malorum nostri profecerunt.

Conradus Ammann, obiter tantum hanc rem tractans, haesitantiam perpetuam fere in sermone hallucinationem esse dicit, et consistere plerumque in laboriosa tamque exixa literarum explosivarum repetitione.

Sauvagesius: psellismum ischnophoniam vitium esse eorum, qui in certis literis pronuntiandis illiq*o* sistantur et haereant, quasi offendaculo quodam vox inhibetur.

Vogel: vitium esse pronunciationis, qua syllaba syllabae cito non copuletur.

Jos. Frank: mogiliam ischnophoniam loquelae vitium illud, quo verba aut syllabae initiales veluti prius inhibitae per repetita sonum, et celerrime sibi succedentia consonantia tandem proferantur.

Auctores Francogallici, qui diligentissime hanc rem tractaverunt, eam loquendi difficultatem esse contendunt, quae eo consistat quod una eademque syllaba pluries deinceps repetatur; alii dicunt: „le begayement consiste en articulation entrecoupée, incomplète et confusement répétée des sons vocaux, qui exigent un travail

un peu soutenu de la part des organes de la voix“.

Colombat definit ita malum: vitium est id, quo syllabae aut literae certae, quae difficiles sunt prolatu musculari organa loquelae motuventibus, inter conquassationes et convulsiones saepius repetuntur, et magno cum labore prouniantur.

Behr (*) haesitantiam docet adesse, si organorum loquendo inservientium et internorum et externorum seu vitorio *vel* tollatur locutio in momentum temporis, *vel* repetatur littera *vel* syllaba vocabuli prima, ab aliis separata, pluries sola, donec sequantur etiam caeterae.

Comparatis inter se his definitionibus, quis est, quem fugiat in omnibus fere tantum symptoma principalia descripta esse, quae quisque in haesitantibus animadverterat, non respecta causa proxima. Nonnulla horum symptomatum ab omnibus commemorantur, ut syllabarum repetitio, alia tantum a singulis v. c. repetitiones has praecipue occurrere in certis literis seu vocibus, *vel* secundum ipsarum naturam, ut opinatur Ammann, *vel* secundum positionem relativam, quam occupant in verbo, ut **Jos. Frank**, Behr.

Si observamus voce haesitantem, imprimis impotentia ejus expedite continuandi sermonis

*) Neues Journal der praktischen Heilkunde, von C. W. Hufeland und F. Osann, Bd. 66, 6tes Stück, pag. 88.

sine interrupzione nobis apparet: hic illic subsistere cogitur et commorari. Quae inter loquendum mora vel periodo incipiente vel procedente sermone obvenit, neque tantum in vocabuli initio, sed etiam in medio ejusque fine animadvertisit. In omnibus his casibus contendit laboraque miser, ut supereret offensaculum, quo interpellatur sermonis fluxus, quae vero attentiones ex maxima parte libere loquendi difficultatem augere solent repetit quam jam emiserat syllabam, donec particula orationis retenta cum ea copuletur; vel quiescit omnino, usque dum sentiat evanuisse impedimentum, vel protractit tenditque syllabam pronuntiatam, vel denique inspirandi conatus instituit, ut removeantur quae obstant locutioni, ut ego in fere omnibus observavi. Hoc modo nobis omnino aliter interpretanda esse symptomata ac scriptoribus plauit, qui nimili ipsa fecerunt, facile est intellectu.

Antequam vero procedam hac via, quaestionem hanc solyendam mihi propono: quae nam sint literae, in quibus pronuntiandis praecipue exoriatur malum nostrum?

Pervulgata est opinio, consentiuntque cum illa fere omnes scriptores, procreari haesitantiam vocis e difficultate consequantium certorum proferendorum. Sic Jos. Frank (1) praecipue inculpandas esse censem literas palatinas *k*, *g*, rem-

que explicare conatur afferens Sauvagesii locum, qui aerem in illis literis proferendis explodi et ad os muti docet, cum a velo palatino levula et basi linguae paululum fuerit cohibitus: difficultatem ergo horum organorum moverorum esse pselismi illius principium. Etsi verum sit, multos homines in proferendis his literis haesitare, tamen neque unicae sunt hae pronuntiati difficultes, neque, ut probant multi scriptorum loci propriae experientia, omnes aegri in illis haesitant. Multos vidit Schnellhess, qui, incipiens vocabulis cum lit. *b* vel *p* eadem vehementia, adeo vehementius mali nostri symptomata ostendebant, quam si prima litera *k* vel *g* esset. Videntur modo hae modo illae literae difficultissime esse. Secundum Ammannum, ut vidimus, praeceteris difficultas exoritur in proferendis lit. explosivis, quae convenient cum illis, quae a nobis mitiae nominabantur. Colobat in ea quidem haesitantiae specie, quam gutturo-tetanicam nominat, solas literas palatinas impedimento esse loquenti assert: sed alias literas linguaes et labiales eundem habere effectum statuit. Secundum hypothesis, quae subiecta est novae sanandi hujus mali methodo, praecipue linguaes literae pronuntiatiui libero obstant.

Colligi quidem ex his licet malum neque in solis palatinis neque lingualibus, neque labialibus difficile effandi positum esse, sed si altiore obtineat gradum, cum parvis differentiis in quoque sono promendo in conspectum prodire, neque eximendas esse vocales, quae interdum magno cum labore proferantur.

1) l. c. pag. 62.

Etiam literarum singularum character in universum non absolutam vim quandam ad gignendam vocis haesitantiam exeret, etsi negare nequit, in nonnullis casibus aliam facilius alia sequabilem orationis tractum interrumpere, quod quidem magis e constitutione individui explicandum erit, vel e majore mali vehementia.

Syllabarum repetitio ex parte jam ab inde literarum pendet. Literae, quas mutas nominavimus, praecipue aptae videntur repetitioni, sed tantum in vocabulis ex pluribus syllabis compositis, quarum una non statim conjungi potest cum praecedentibus: hoc jam Frank obseruavit, verba aut syllabas initiales tantum repeti ratus, concinnaque huic est Behri observatione, primas vocabuli syllabas, separatas ab aliis, cum ipsa conjunctis, pluries deinceps pronunciari. Nunquam syllaba ultima vocabuli compositi, vel vocabulum monosyllabum iteratur; in hoc casu fit, ut haesitans subsistat, vel ut, si pergere conetur, sola consonans articulatur, ut supra ostendimus. Si vero aspirata est consonans, minime repetitur; protrahitur, quod ex natura earum fieri posse vidimus, tenditurque donec subseqnatur vocalis.

Contra hanc sententiam, tam divulgatam inter omnes fere physiologos et pathologos, — in consonantium articulatione praecipue exoriri loquendi impedimentum, Schulthess (*) novam et

contrariam in medium profert hypothesin, omnino non esse literas modo nominatas, quarum articulatio difficilis malum hoc procreare valeat, sed vocem ipsam, seu vocales. Nimurum, si emittere non contingat vocalem, aegrum haerere quasi in articulatione consonantis praecedentis, protrahere aut repetere eam, usque dum vocalis proferatur: v. c. si syllabam *ba* pronuntiare velit, labia componi, cui officio nullum obstet impedimentum: attamen mox sentire miserum, fieri omnino non posse, ut sequatur vocalis statim consonantem, si aperiat labia. Clausa igitur eum tenere labia donec conjungere sibi liceat ejus pronunciationem cum vocali; aussi ea prius diduxerit, audiri quidem peculialem sonum lit. *b*, desiderari vero vocalem, et coactum esse aegrotum denuo incipere et repetere lik *b*, donec consequatur id quod velit. Idem de omnibus consonantibus et syllabis pronunciationi difficultioribus, tum simplicibus, tum corpositis valere. Colligit inde auctor, difficultatem conjungendi vocalem cum consonante momentum esse, e quo derivandum sit malum. Arnott (*) eidem fere addictus videtur sententiae, cum minime esse casum frequentissimum contendat, quo individuum in proferendis certis literis aut syllabis urgeatur, sed illum, quo obstatum extra oris cavitatem situm inveniatur, in glottide, ita ut articulatio cujuslibet syllabae aut literae aequo modo difficultis fiat.

*) Schulthess l. c. pag. 183.

Nuper etiam Behr similem communicavit de mali nostri natura hypothesis, sed compli- cationem: vocis defectum causam ejus esse putat, ex eo provenientem, quod, quae loquen- do inserviant partes, adnixu inter se impedianit, quominus expelli possit aér ex ore. Impedimen- tum hoc vel in glottide adesse putat, cum nimia vi protrudatur aér e pulmonibus, quo fiat ut fere claudatur rima glottidis, vocalesque emini nequeant; vel ad linguae radicem inveniri, quo in literis palatiis (*g*, *k*, *ch*) vel inter ejus apice- cem et dentes, vel inter labia collocatam esse, quo in literis dentalibus et lingualibus profe- rendis difficultas maxima exoriatur. Cum nimia hac partium approximatione, qua claudatur ca- nalis, per quem exire debeat aér, semper con- junctam esse nimis vehementem aëris propulsio- nem, ita ut post locum hunc magna ejus sit accumulata copia, neque supersit in pulmonibus, cuius opera sublato tandem impedimento voca- lis formari possit. Sententiae huic plura ob- jici possunt: ex parte jam allatis aliorum scri- ptorum sententias refutatur; imprimis vero vir do- ctissimus non recite interpretatus esse videtur phae- nomenon illud, quemque hac miseria laboran- tem, si loqui conetur, partes illas, quae coope- rari debeat ad proferendam syllabam, in illam cogere positionem relativam, quae requiratur in hunc finem; et si diutius obtineant hanc posi- tionem, si v. c. in syllaba *ba* proferenda, labia compósita maneat, dum subsequatur vocalis, hanc labiorum applicationem non causam esse morae, sed effectum causeae profundioris: idem fit si syllaba *ab* esset pronuntianda, quamquam

vocalis hic antepositus est consonanti. Nequa- quam hic spores, ut cl. Behr, fore ut, dum animus attenus teneatur ad solam labialem proferendam, qua incipit syllaba, tota aëris copia ita protrudatur, ut ad vocalem subsequentem nihil restet. Quomodo porro sint explicanda sym- ptomatia suffocationis, quae summum mali hujus gradum concomitari solent, non video, cum respirationis processus etiam per nares continuari possit.

Concludendum est, consonantium pronun- tiationis difficultatem in haesitantia vocis tan- tum secundariam esse atque e vocalium impe- dita emissione derivandam.

Jam in minimo mali hujus gradu nonnullis arduum est, conjungere vocales cum conso- nantibus quibusdam tum simplicibus tum com- positis: sic Schutthess (*) semper haesitavit, si vocabulum cum litera *d* incepit; alii in syllabi- bus cum *p*, *b*. — Lit. *r*, cuius articulatio multi- diffcillima est, omnino incorrupta nullaque at- tentione a maximo haesitantium numero effe- tur (**); si vero praecedit ei litera *b* vel *t* interdum difficilior redditur. (***). Eodem fere modo variat haesitans, prout consonantes cum una alterave vocali apparent conjunctae: co fa- cilius promittit quam *ca*. (****)

*) l. c. pag. 72.

**) Colombat l. c.

***) Schaltheiss l. c.

****) Colombat l. c.

In omnibus casibus vehementius fit malum, si miser talis se nonnullas syllabas non facile pronuntiare posse cognoverat. Attamen, quomodo se e turba hac expediant, bene sciunt nonnulli. Enarrat Colombar haesitantes non raro syllabas quasdam simplices, quae semper sine ulla impedimento ab ipsis proferantur, praepone-re pronuntiatu difficultibus, ut lit. l ante substantivum quoddque, (sortiisse articulus le, la, les) ut minus interpellentur loquentes, explicaque rem eo, quod committetur syllaba hac præparativa positio linguae, ipsaque magis accommodeatur pronuntiandæ syllabæ subsequenti. Vidi et ego aegrum, qui omni tempore non potuit proferre syllabas, quibus implicatae erant literæ qu aut k: si fluente sermone inopinata ad verbum tale pervenit, post irrita quedam conamina, phrasin denuo inceptam immutare coactus est. Eodem consilio ab haesitanib⁹ litera h anteponi dicitur syllabis, quae vocali quadam, pronuntiatu difficulti inchoant: quasi spiritu aspero Graecorum praedita vocalis nunc facile promitur.

Hoc vero phænomenon, eti revera adjuvet loquendi processum, tamen alio modo esse explicandum censeo. Quot ego vidi haesitantes, in omnibus constanter haec observavi: aspirationem non modo in vocabuli aut syllabæ initio adesse, sed etiam mediis illis vel finientibus, nec tamen unquam aliter, ac si revera retineatur sermonis fluxus, et nou modo vocalēm a cum spiritu hoc edi, sed quamque, et quidem in diversissima ipsarum cum consonantibus.

conjunctione. Interrogati aegri, num consilio hanc proposuerint literam, minime ita se habere reū, responderunt; se nescire quomodo ita evenerit, sed facilius ita se loqui posse. Res ergo physiologico quodam processu inniti videtur: si prohibetur haesitans impedimentu continuare sermonem, inspirandi conatum facit: in quaque vero inspiratione dilatatur rima glottidis, ut cl. Rudolphi (*) et Mende (**) apud homines viderunt vivos, cl. Mayer, Bell (***) in animalibus conspexerunt. Si patefacta est eo modo aëri via, qua exire potest, statim frununtur hoc momento ad articulandam, quam spectant, syllabam, et repentina glottidis apertura, et aëris inspirati et exspirati collisione aspiratio illa oritur, ut quisque in *se* experiri potest. Si in medio vocabulo aut syllaba collocata est vocalis, aëris partes loquacæ, sicutum relativum ad proferendam syllabam obtinentes, praeterfertur, quo sit, ut consonans non raro cum aere inspirato, vocalis vero aspirata cum exspirato articuletur, neque videatur utraque litera unus syllabæ esse particula. Etiam M' Cor-mack ****) observavit, inter inspirandum ab haec-

*) l. c.

**) Von der Bewegung der Stimmitze beim Athem-holen. Greifswalde 1816.

***) Physiol. und pathol. Untersuchungen des Nervensystems von Carl Bell, übersetzt von M. H. Romberg. Berlin 1832, pag. 96.

****) Horn's Archiv für medicinische Erfahrung-Jahrg. 1828, pag. 529 caet.

sitantibus loquendi conatus institui: sed tanti facit phaenomenon hoc, ut in ea haesitantiae causam proximam sitam esse putaret.

Praemissis his non ineptum mihi videatur, ut clara fingatur imago hominis hoc vitio laborantis, ante oculos ponere totum symptomatum complexum a minimo usque ad summum gradum.

Quam maxime variant haesitantiae gradus. Ab impedimento levi, raro intercedente, parum conspicuo, parvam tantum moram efficiente, multifariis gradibus usque ad illud punctum accrescere potest, quo haesitans ne duas quidem syllabas deinceps pronuntiare valeat, et tandem, magnis sed irritis attentionibus institutis, desisteret coactus sit a quoque conatu proferendi verbi, quod sibi proposuit.

Attamen transitus ex infimo gradu ad superiores tam multifarii sunt, tamque multas symptomatum modificationes praebent, ut singuli illi certis limitibus circumscribi vix possint, desinque signa certa, quibus in quoque casu certiores reddamus, quis gradus nobis appareat. Obstat praeterea cuique mali nostri divisioni accuratori, quod periodice in pejus vertitur, eodemque modo in melius mutatur, ita ut in eodem individuo mox omnes adesse videamus gradus. In universum tantum dici potest, non omnes aequae, sed hunc illum majore minoreve gradu huic malo subjectum esse. Cum vero ab omnibus fere scriptoribus una alteraye divisio

proponitur et ego Voisinii (*) in tres gradus divisionem communicabo, addens, quid aliorum et propria experientia me docuit.

Transitum a sanis ad haesitantes facere putat Schulthess illos, qui, etsi non haesitare in loquendo solent, tamen pro tempore, praecipue concionantes, syllabas singulas aut vocabula repetunt, vel eadem conjungunt inter se vocali producta, incerta, ut evitentur pausae: hi quam plurimum non finita prima periodo jam de iis, quae postea dicturi sunt, meditantur.

Infimum vel primum indicat gradum, si in universum expedite colloqui non possunt cum aliis, praecipue cum alienis: soli vero, vel inter familiares, amicos satis bene loquuntur: recitantes, canentes nunquam haesitant. Neque tam insignis est in his molesta verborum elaboratio, cum saepenumero tantum levis adsit sermonis cunctatio, neque ingratus eorum sermo auditoribus, quos potius gratia quadam in affectata misericordie interdum delectant, ipsique non raro sunt garruli. Adnumerandi sunt huic gradui etiam, qui tantum in certis literis proferendis cohibentur, quibus evitatis nulla animadveritur sermonis turbatio: vel qui, nisi animi pathematis commoveantur, non haesitant. Memoratu digna est observatio Schulthessii interdum in hoc

*) Dr. Voisin: du begayement, ses causes, differens degrés, etc. Paris 1821: übersetzt von Dr. Gottlob Wendl: das Stammeln, etc. Leipzig 1823. — Cf. Colombatii et Schulthessii libros citatos.

mali gradu palpebrarum motum spasticum adesse.

Crescente malo vel medio gradu magis magisque loquela organa corripi videntur: interesse quidem societatibus colloquentes possunt miseri adhuc, sed et syllabarum repetitiobus, quae quam celerrime sibi succedunt, et attentione qua pronuntiationem leviorum reddere student, cruciant audientes. Nuncupatur haec forma a Voisinio Battarismus. — Hiantre ore quasi aërem captare videntur, quod praecipue in enuntiandis literis labialibus accedit. Vultus non raro deformatur, mire et inepte distorquetur, ut coram haesitantibus risum vix tenere possit. Commorantur aegroti interdum in una syllaba, et sequentem praecipitem protrudunt. Quam saepissime etiam hic occurrit, ut inspirandi conatus instituantur, et capite repente retrorsum flexo continuetur sermo. In hoc gradu jam sub quaque conditione haesitant miseri; sive soli sive cum alijs loquuntur, sive recitant: tantum canentibus adhuc verba facere sine interpellatione contingit. Sed animus eorum minime depresso neque propter vitium hoc hominum societatem timent.

De summo denique gradu, ad quem pervenit malum, ita disserit Voisin: in momento, quo fari cupit haesitans, voluntati non obnoxia apparet lingua, quasi concatenata: inter labores, quibus verbum promere studet miser, animadvertis potest, hoc organon immobile, quasi auxilium implorans a musculis circa ipsum colligat. Musculi pectoris et diaphragma quam

maxime sunt contracta: vehementer pulsat cor, sublata videtur pro tempore respiratio; prorumpit in tota corporis superficie sudor; intumescunt venae jugulares; vultus contortus convulsionibusque vexatus omni vigore caret maximeque deformatur. Quibus contentionibus quidem unam alteramye syllabam proferre contingit, cum vero tam paucis quae voluit, communicare nequierit, denuo incipiendum est. Huc referendus etiam est locus Jos. Frankij (*) qui miseros singultum, faciem, caput, collumque variis modis, loquendi desiderium indicantibus, veluti suffocaturos, coniurquere dicit, donec tandem optati verbi partum subsequenti satisfactione, quod indicat susprium, absolvunt. Adsunt praeterea congestiones versus caput, contractiones musculorum abdominalium, quibus intestina prementibus, dolor in abdome oritur, aut singulus, et ructus, ut comprobant observations Schultessii et Magendii **). Rigesunt quasi musculi laryngis et pharyngis, inspiratio vehementes, sonora, suspiriosa, si spiritus defectus jam imminent: interdum pro clara voce soni percipiuntur protracti, simillimique illis, quos edunt surdi muti. In locuturis his miseris non raro resmotarum partium motus loquendi desiderium designant, ut brachiorum et pedum, imo totius fere corporis, ita ut verum dixisse videatur Boerhave contendens, vix ullam in corpore particulam

*) l. c. pag. 62.

**) Bulleria des sciences med. Tom XXI, pag. 24.

superesse cujus non aliquae in negotio respirationis partes sint. His miseris nullo modo libere loqui licet, ne cantus quidem opera, et occurrit interdum, ut nullo tempore sermo eorum sit liberior quam alio, testante Megendio (*). Sunt propterea timidi, suspiciosi, sensibiles, in societatibus taciturni observantesque, et a coeū hominum frequentiaque in solitudinem se recipere malunt. Raro in his syllabaram repetitio aut productio animadvertisitur: imo inspirandi quidem hisum quemque vetat partium summa renitentia. Obticendum ergo omnino est misero, qui, quo magis cogere vult loquela organa, ut obedient voluntati, eo magis auget tumultum.

Praeter hanc secundum gradus divisionem, alii scriptores varietatem statuunt haesitantiae, prout hoc vel illud praevaleat symptoma, vel partes quaedam praecipue sibi accusandae. Sic Colombat et Serres d'Alais duos mali hujus modos, eosque certis limitibus circumscriptos esse ponunt:

1) haesitantiam labio-choreicam, ob magnam cum convulsionibus illis similitudinem, quae propriae sunt Chorae Si Viti: designatur haec species motibus labiorum, linguæ, aliarumve partium organa loquelae moventium convulsivis; tum 2) haesitantiam quam dicunt gutturo-tetanicam, quae rigore tetanico muscularum respiratoriorum, praecipue la-

tyngis et pharyngis est insignis. Differt haec ab antecedente specie eo, quod in momentum obticere coguntur loquentes, immobilisque lingua ex ore prominet: constringitur larynx, contrahuntur musculi faciei, pectoris, abdominis caet. Praecipue in pronuntiandis literis palatinis *k*, *g*, *q*, in conspectum venit: interdum etiam in vocalibus. Quas quidem singulas separataeque observavit Colombat: attamen praesente specie gutturo-tetanica nunquam fere desideravit primam.

Deleau tres stabilit species mali has: 1) haesitantiam lingualem s. loquacem, ubi praecipue cum celeritate per magna repetuntur syllabæ singulæ: addit auctor: ils font entendre des demi-explosions ou des bruits sifflans interrompus, qu'ils laissent échapper sans efforts et sans fatigue. 2) haes. labialem aut disformem, ubi aegroti verba oppressa (étouffée) proferunt, contrahuntque musculos faciei magna violentia, aperiunt clauduntque os vicissim. 3) haes. dolorificam s. mutam (b. douloureux ou mue): si nullum pronuntiare possunt verbum, et locuturi suffocari videntur.

Behr *) quatuor proponit haesitantiae species, quae tamen fere nunquam solae adiungunt: in singulis haesitantibus plures, in aliis omnes existere putat.

*) l. c.

*) Huseland's Journal l. c.

- 1) Haesitantiam vocalem (Stimmstammelum), si tanta vi protruditur aer, ut larynx longior arctiorque reddatur, et ipsi aeri, rima glottidis omnino copretata, exitus non pateat.
- 2) H. guttural em (Gaumensstammeln) quae efficitur si in proferendis literis gutturalibus posteriorem linguae partem nimis ad palatum affigunt aegroti.
- 3) H. lingual em (Zungensstammeln) quae vel linguae apice firme ad inferiores dentes apposito, elevata simul ejus basi formatur, vel quam maxime admoto ad superiores dentes vel palatum.
- 4) H. labiale m, (Lippenstammeln) labiis clausis procreatam,

Non quovis tempore in eodem homine eadem vehementia appetet: saepius variis diebus diversa est, et eodem die diversis horis. In universum modificatio haec ex iis pendet potentissimis, quae *systema nervosum*, animique habitum alienare valent. Quam optime loquuntur haesitantes voce, si impavidi sunt, neque cogitant de malo; quo magis vero praecepit sermonem et quo altiore voce ipsum edere volunt, si rebus externis memores redduntur mali, et quo magis ipsum evitare et occultare student, eo vehementius appetet: et tum neque voluntas neque labores fortissimi haesitantiam diminuere valent, imo augent. Melius loquuntur inter amicos et familiares, quam inter alienos; saepe difficultum vocabulorum aut syllabarum enuntiatio bene cedit, et quidem inconsulto, si quis illa praefasatur. Vedit Jos. Frank *) homines, quorum vox so-

lum haesitavit si extraneo idiomate usi, aut coram testibus aut oscitanter locuti sunt. Haesitantes non raro, quo se vertant nesciunt, siloquentes se adspici ab aliis sentiunt. Enarrat Isard *) exemplum tale memoratu dignum pueruli undecim annos natu, qui vehementissime haesitabat praesentibus aliis ipsum inuentibus, statim vero desiit, si adspici ab aliis non potuit v. c. si teñebris remotus erat ab eorum conpectu. Constat experientia, haesitantes alligata faciei persona non raro, dum ipsam gesserint, vitio hoc liberatos fuisse. Melius in universum loqui solent, nisi summum attigerit malum gradum, si ad rhythmum verba componere conantur vel canentes vel recitantes, quae antea ab ipsis memoriae mandata erant.

Matutino tempore vehementius haesitare solent quam vespere; augeturque malum si defatigatum corpus est attentionibus, vel post abusum spirituosorum. Prae caeteris vero ad augendum malum conferunt animi pathemata; saltiem hoc saepius fit, quam ut iis sublevetur, eti non desiderantur omnino apud scriptores exempla etiam eorum vim comprobantia. Coeli temperies et aeris temperatura non sine effectu in malum: accrescere solet tempestate frigida, nebulosa, uvida, vel si repentina imminent ejus mutatio; decrescere vero ea sicca, calida. Magorem adipisci potest gradum morbo quolibet interveniente, nec tamen raro irruentibus mor-

*) l. c.

*) Rust's Chirurgie, Art. Stottern, p. 250 caet.

bis imminuebatur, vel intermissionem fecit morbo durante. Collegit Schultheiss casus nonnullos, ubi vim medicatricem in vitium hoc loquelae praesiterunt morbi: in uno eodemque homine ter omnino evanuisse haesitantiam observavit Rahn, primum haemorrhoidibus, deinde obstructione alvi et denique praesentibus symptomatibus, quae apoplexiam annuntiare videbantur; quibus levatis denuo vigebat haesititia. Juveni, malo nostro subjecto, amputatum est brachium sinistrum: cum incepisset puris secretio in vulnere, paulatim imminuebatur loquelae vitium, donec omnino evanuit. Elapsis duobus mensibus vulnus sanare cooperat, quo facto apparuit rursus haesititia. Sic puer qui ab infantia jam insigniter haesitabat, undecimo aetatis anno febre quotidiana correptus aliquanto expeditius loqui dildicit, sub initio vero secundi septenarii perfecte loqui visus est *). Aegrotus quidam, qui tussi maxima laboravit ob eamque sedandam in usum vocavit ung. cum tart. emeticō confectum, facta pustularum eruptione longe minus in loquendo haesitabat **). Narravit mihi quidam miseria hac affectus, se, cum febre putrida correpius esset, sperasse, fore ut omnino liberaretur malo, cum magis magisque decresceret; sed finito fere reconvalesceniae studio pristino vigore illud redisse.

*) Timaeus a Güldenklee opera practica: Cas. LI, cap. 36.

**) Rust's Chirurgie I. c.

DIAGNOSIS.

Summam difficultatem ad morbos dignoscendos facit magnus organorum numerus, quae ad actionem conferunt, quorum aliquod laesum totam functionem turbat, cum tamen difficilimum sit eruere, quod organum ex toto numero sit laesum. Si, quoad materiam nostram, nos iudicium ferre velimus secundum nominum multitudinem, quae a scriptoribus recentioribus, singularē a loquendi functionis norma deviationē designantia, in medium prolata sunt, res difficilior esse videtur, discernere unam ejus abnormalitatem distinctius a ceteris; et revera ex hac causa derivandum est, tam saepē et nomen et notionum interveniente commutationes.

Sed simpliciorem nobis reddere possumus rem, si ponamus bifariam tantum a norma descendere posse loqulam, ea Ammani mixi sententia, syllabus et vocabula apte et successive pronuntianda esse.

Quid intelligatur, si apta requiratur syllabarum pronuntiatio, non facile definiri potest, cum non omnes homines iisdem utantur vocibus, ne populi quidem easdem eodem modo proferant. In universum tamen valet, illos homines non apte loqui, quorum pronuntiatio ab illa decadat, quae ab hominum numero quodam justa habetur, vel quae non congrua est cum signis, quae a scriptionibus illis substituti solent vocibus. In quaque fere lingua adest peculiaris hujus vitii generalis denominatio, quae vel

etymologia adjutrice, hanc sententiam probat, vel ex ipsius usu. Sic vernaculum nostrum Stammeln radicibus inhaerere videtur verbo Stümmeln, Verstümmelu *); sic multi veterum scriptorum loci probant, verba $\psi\lambda\lambda\iota\sigma\mu\sigma$, $\tau\pi\alpha\upsilon\lambda\sigma\tau\gamma\varsigma$, balbuties tantum hoc sensu in usum esse vocata, sic etiam apud Francogallos voci balbutientem eadem subjecta est notio. Schulthess, hoc loquelae vitium accuratius describens, eo consistere dicit, quod literae singulae aut plures non recte vel omnino non pronuntiari queant, omittanturque propterea vel commutentur cum aliis.

Si contra successivitatem syllabarum aut vocabulorum loquens quilibet peccat, omni ex parte vitio laborat nostro, et characteristica ad sunt ejus nomina. Vernaculum Stottern frequentativum esse videtur verbi Stoten, (Stoszen): sic etiam graecum $\iota\sigma\chi\phi\varpi\alpha$ (a $\iota\sigma\chi\omega$ cohibeo, et $\varphi\omega\eta$ vox) et Romanorum haesitantia vocis seu linguae moram disignunt in loquendo, ergo etiam successivitatem sermonis interruptam.

Discernitur balbuties eo praecipue ab haesititia, quod in illa literarum articulatio sit vitiosa, ut supra ostendimus, quod vero adsit in hac, minime necesse est: contra balbutientes vitiose articulata verba uno tenore et sine interpolatione proferre possunt, quod nunquam evenit in his.

*) Joh. Aug. Eberhard, Versuch einer allgemeinen Deutschen Synonymik. Th. 6, pag. 125.

AETIOLOGIA.

Cause proximae haesitantiae fere tot statuae sunt, quot enumerari possunt de hac materia scriptores: praecipue hoc de illis valet, qui causam materialem et quidem localem quae siverunt, omissa taxatione physiologica symptomatum complexus, neque instituto inde ad indolem sedemque mali ratiocinio. Quam usitissima erat hucusque inter omnes hypothesis, varia partium loquelae inservientium vitia organica haesitantiam vocis procreare. Adnumerantur hic a scriptoribus: positio dentium vitiosa in arcu alveolari, magnitudo crassitiesque linguæ, vel ejus parvitas nimia; frenuli longitudine nimia vel relaxatio, vel brevitas, palatum fissum, uvula fissa, abnormitates in ossis hyoidei structura. Oppugnat vero haec hypothesis observationibus recentiorum, qui nunquam straturam organorum loquelae abnormalem causam proximam mali hujus esse contendunt: Behr et Norden *) amplius mille tractarunt haesitantibus nec unquam vitium formationis harum partium illis occurrit: comprobat hoc Colombat **), qui cadaveris sectione facta, semper conditionem earum omnis vitii expertem invenit. Si omnes status modo nominati morbos in haesitantibus

*) l. c.

**) l. c.

observati sunt, tantum fortuito cum vitio nostro conjuncti aestimandi, minime vero ejus causa proxima haberi possunt. Etsi ex omni parte negari nequeat, momenta haec etiam ad augendam hæsitantiam agere, praecipue eo, ut simul balbutiem afferant, tamen in quoque hoc casu justius ad causas occasioales referri debent.


Ne nostro quidem aetate amiserunt sententiam, esse causam proximam morbam topicum organorum loquelae: quorum si notio eadem sit, quam nos statuimus, adnumereturque ad illa etiam rima glottidis, nihil objici possit: sed nimis arte saepius tantum lingua intelligitur; sic methodus, de qua jam sermo erat, nova sanandorum hæsitantium eo posita est, ut assumatur linguam esse mali nostri causam et sedem, apud hæsitanter in cavi oris fundo collocatam, dum in sanis hominibus apice vel ad dentium marginam prominentem vel ad palatum durum adpressa esse debeat. Inde oriri, ut motus ejus singuli difficultiores sint, neque sibi tam cito expediteque succedere possint, quam in aliis. Quod si verum esset, tantum in illis casibus nobis hæsitantiae causa explicaretur, ubi solummodo in pronuntiandis literis lingualibus urgeatur loquens, si in universum linguae vim tam ad procreandam miseriam concedere velimus. Cum vero viderimus minime solas literas linguales, sed quamque literam difficultate pronuntiationis sermonis interpellationem adducere posse: porro neque in genere in consonantibus pronuntiandis neque speciatim in lingualibus, sed ex coniunctione earum cum vocali fieri lo-

cutionem laboriosam, denique vim, quam exhibeant partes cavum oris constituentes, in ipsisque contentae eo consistere, quod immutetur aeris e pulmonibus protrusi fluxus, situ earum relativo mutato, dum simul glottidis rima propria modo agat, hoc vero respectu nunquam observatus sit a norma decessus tanquam necessarius, sed si adfuit accessorius, concludere licet, neque linguam, neque aliud ullum ex organorum numero, quae sensu solito dicuntur loquelae propria, esse sedem hæsitantiae.

Behrii *) et M'Cormackii **) sententiae his allatis opponi possunt, qui minime organorum dictorum statue morbosos assumunt, sed salvorum omnino actionem depravatam: sic Behr praincipuam causam esse contendit usum vitiosum aeris in loquendo, qui nimia vi plurimis in casibns ab aegris propellatur; nec raro accedere, quod aegroti partes, quas movere debeant ad proferendum sonum, non apte collocare sciunt, quo fiat, ut aeri exitum petenti hic non poteat. M'Cormack ita explicat hæsitantiae causam: inter loquendum vel exeat e pulmonibus aer, necesse est, vel intret; plurimi homines, qui apie uti sciunt organis loquelae, in inspirando imperfecte et tantum magno cum labore sermocinari possunt: idem hæsitantibus evenit, qui tamen aliter loqui nesciunt. Quisque 16.

*) Hufeland's Journal. B. 66.

**) Horn's medicina. Erfahrungen. 1828. pag. 509 case.



quendi conatus, qui inter inspirandum fit, vel vacuis aut fere vacuis pulmonibus, irritus: nullum sonum proferre possunt. Cum vero causae ipsis ignota sit, cur bene loqui nequeant, repetitos et non raro convulsivos faciunt impetus, magis minusve conjunctos cum vultus distorsionibus ingratis, quae peculiares designant morbum, donec magis fortuito quam consueto respirare iis contingit, et hoc modo optati verbi parium absolvere, dum secundum naturam effertur aëris e pulmonibus. Exoritur ergo haesitantia e loquendi periculo, vacuis pulmonibus, vel si inspirare vult aeger, instituto.

Josephius Frank *) sententiam afferit Voisinii, qui inde derivat haesitantiae originem, quod impeditur cerebrum, quominus exserat vim in nervos loquelaे organorum. Quod quidem factum vetum esse nemo inficiabitur, minime vero ejus causa proxima eo dilucidatur.

Colombat neurosin esse statuit, consistentem in turbato inter vias nerveas a cerebro propagatam et muscularum mobilitatem ac equilibrium, quod ita fiat, ut influxus a cerebro, qui simul cum cogitatione et sensorio exoriatur (irradiation cerebrale, qui suit la pensée) in haesitantibus tam celeris sit, ut musculi oppressi momento hoc ipsos excitante non possint explere maudata cerebri, eoque vel tetano rigescant, (causa speciei gutturo-tetanicae) vel producatur in illis pro tem-

pore status debilitatis relativae et propterea motus involuntarii et irregulares, quam formam haesitantiam labio-choreicam nominari jubet. Demonstrare conatur sententiam hanc eo, quod plurimi haesitantes ingenio excellant et rerum imagines vividiore concipiunt animo; tum, quod progrediente aetate vitium hoc imminuat, cum in senibus sententiarum ordo multo lentior redditus sit. Revera dolendum esset, si homines, quales describit Colombat haesitantes, malo noscendo prae caeteris obnoxii essent, cum digni sint, quibus latissime pateat provincia iuxta ad salutem hominum mentis vires exercendi ipsi detur occasio. Contra hanc vero opinionem afferruntur a scriptoribus casus plures, qui homines placidissimos et characteris mitissimi satis vehementer haesitasse probant: adsum praeterea exempla numerosa, ubi malum hoc apud tales exstitisse observatum est, qui et ingenio eminentie carebant et omnis eruditio expentes et iguari essent. Sic tres ego vidi rusticos nostrae provinciae quam maxime haesitantes, ubi certus sum neque idearum abundantiam neque nimiam loquendi prooperationem haesitantiam procreasse. Videtur vero auctor doctissimus, observationes omnes in popularibus suis Francogallis instituens, oblitus esse, quantum vigoris alacritatisque mentis attribuerendum sit characteri nationali, nec juste coniunxisse cum haesitantiae notione momentum, quod ad procreandum illud loquelaे vitium magis confert, quod ab ipso sermonis tumultus (bredouillement) nominatur, inde que derivatur ab ipso, quod nimia vivacitate

*) l. c. pag. 61.

se proparatione quis cogitata verbis interpretibus
communicare studet.

In eundem fere errorem incidit Neumann *),
qui in cerebro haesitantiae sedem esse contendit: nam quemque malo hoc affectum in ca-
nendo ab ipso liberatum apparere, quod fieri
non posset, si omnino articulandi potestate pri-
vati essent. Quemque fere praeteres hominem
rite loquentem in malum hoc incidere opinatur,
si vehementius excitetur pathematisbus. Qua ex
re morbi naturam eruere studet illam, ut ex ni-
mia festinatione oriatur, qua musculi obedient
voluntati: inde fieri, ut formentur eorum motus,
qui ad sonos pertineant senioris ideae, cohibe-
anturque motus, qui prius effici debuerint. At-
tamen additamento hoc placum fit, auctorem
minime strictam, cum nostra congruam statuisse
haesitantiae notionem: nam si omittuntur syllabae
quae profunduntur necesse est, anticipen-
turque aliae, mihi vitium videtur simillimum
illi, quod Colombat sermonis tumultum nomi-
nat, praecipue cum etiam in scribendo eodem
modo peccari posse affirmat: nam celeriter scri-
bentibus saepe contingit, ut literam quandam,
senioris vocabuli particulam, priori inserant,
quod tamen minimo cum jure idem dici pot-
est vitium cum eo, de quo nos agimus.

*) Dr. Carl Georg Neumann, Specielle Pathologie
und Therapie der Krankheiten: Berlin 1854. Bd. 4.
pag. 848.

Serres **) vel labiorum, linguaeque, vel ri-
mæ glottidis spastum causam sufficientem malo
nostræ possebere opinatur: eodem modo Szahl ***)
affectionem spasticam omnium muscularum, qui
ad perficiendam loquaciam conseruant hanc malo
subesse putat.

Differt a praecedentibus longe sententia Ar-
nottii ***) qui, dum illi quaelibet organa locu-
tioni inservientia accusanda censem, tantum glot-
tidem respicit et haesitantiae ortum inde deti-
vat, quod spastico claudatur rima glottidis inter
loquendum, dum in sanis hominibus hoc nun-
quam eveniat.

Omnino congrua videatur haec sententiaæ
Schulthessii, et mibi quidem præ caeteris arri-
det. Est causa proxima haesitantiae posita in
affectione spastica muscularum ligamenta vocalia
moventium, quo fit ut pro momento vel tollatur
omnino vel retardetur voluntatis vis in organa
haec, et simul ad procreandam in loquendo
vozem.

Spasmus in larynge, glottide ejusque muscu-
lis quam saepissime occurtere solet, cum uberrimi-
me praeditae sint hæ partes nervis, multaque

*) Bulletin des sciences med. XXX, pag. 16.

**) v. Walter's und Graefe's Journal für Chirurgie
und Augenheilkunde. Bd. XXII, pag. 156 caet.

***) Schulthess l. c.

ineant hi tum inter se tum cum cerebralibus, spinalibus, et sympathici ramiis coniubia, magna que ipsis insita sit sensibilitas. Probatur in nostro casu natura morbi spastica tum eo, quod hucusque nondum cuiquam successit observare nec vitia organica ipsarum aut adjacentium partium, nec alios status morbosos, e quibus plane derivari possit haesitantiae origo; tum typo omnino inconstante, quem ostendit, pariter atque aliae neuroses; tum pathematum et ad augendum malum at ad sublevandum vel tellendum vis, et sanandi methodorum variarum saepe eventus, ut videbimus. Memoratu dignum est, spasmum hunc muscularum glottidis tantum in conspectum prodire si locuturi sint homines, si vero cantilena adjuncta proferre conentur eadem verba, quae modo difficillima erant pronuntiata, nunquam haesitare, vel tantum si jam fastigium adepta est miseria. Vario modo a scriptoribus phaenomenon hoc explicatur. Schultess *), qui in morbo nostro magnam invenit analogiam cum hydrophobia hysterica (deglutitione difficulti), propterea ita evenire putat rem, quia toni variii in cantu quasi majore gaudeant massa sive consistentia, quam soni in loquela, et facilius superent glottidis spasmum, pariter atque in hydrophobia hysterica solidorum bolorum deglutitione facilis cedat, quam fluidorum, cum eorum massa extendat pharyngem, punctumque fixum praebat musculus. Colombat **)

*) l. c. p. 122.

**) l. c. pag. 60.

duas causas adesse contendit, cur cesse haesitatio in canendo: primam, quia factores loquela (agens de la phonation) subjecere debeant vocabula singula rhythmo musico vel poetico, eoque eorum motus majore cum praecisione et concinnitate efficiantur. Deinde, cum semper respici debent numeri, eorum ideam, tamquam accessoriā, relativam cogitorum principaliū praeponderantiam mitigare, efficereque, ut adductio a cerebro lenti reddatur, et sic aequilibrium inter irritamentum et actionem loquela factorum restituatur. Alii, ut Strahl *), Bertrand **) qui morbum hunc psychicum nominant, eumque magna ex parte eo ali putant, quod timeant miseris ne haesient loquientes, cum in quoque temporis momento sibi vitii hujus sint consciī, cantum id utilitatis afferre statuant, ut attentio eorum a vocabulorum pronunciatione detrahatur, convertaturque ad rhythmum.

Cum vero loquendi mechanismum ita expouerimus, ut loquela minime sit composita ex voce jam praeformata, et vi organorum certiorum articulando definitorum in ipsam, in quo casu satis mirum esset hoc phaenomenon, sed tamquam actionem unam e multis, quae associatione organorum simplicium multifaria exoriantur, facile est intellectu, unam actionem salvis

*) l. c.

**) Archives générales de Medic. 1828. Avril, pag. 635. Anmerkung.

caeteris turbatam esse posse. Videmus etiam morbi formam, quam tussin convulsivam dicimus, certum temporis spatium durare, incolumi tamen loquela, cantu, eti quae maxime affectus sit larynx cum glottide. Videtur mihi, cantus opera, id est, ejus ratione mechanica, qua evenit, peculiaris actio glottidis in loquendo facilior reddi. Sic etiam homines, qui alta voce continuo per longum tempus loqui debent, facile in sonos cantillantes incidunt, et minus defatigantur hoc modo loquentes.

Contra sine voce loquentes, susurrantes, minime deserit hoc vitium, quo evidenter probatur, officium glottidis proferendarum vocalium, minime vero vocia esse laesum. Etsi Schultheiss duos assert casus, qui contrarium huic demonstrare videntur, tamen neque ipse observavit, neque affirmatur ab alio auctore, neque mea experientia.

Symptoma aliud, syllabarum repetitione, secundum sententiam nostram, in quoque haesitante actionem rimae glottidis isochronicam cum illa caeterorum organorum loquela spasmco cohabitam esse, — alio modo est explicandum, atque a scriptoribus hucusque factum est: ab omnibus fere enim nimii est existimata, et quidem pro essentia haesitantiae habita. Quam maxime vero errabant; etenim non eo consistit vitium hoc loquela, quod supervacaneae in loquendo adhibentur syllabae, ubi paucae sufficiunt; sed eo, quod non potest proferri syllaba: non pronuntiata, sed quae obtinetur syllaba, de-

cumentum est morbi, ut jam supra ostendimus. Organa vero, quae prae ceteris repetitiones efficiunt, lingua et labia mobilissima et proprieatum, longinquo usq; exercitata, voluntati quam maxime obediunt. Proprietas jam in minimo haesitantiae gradu repetitiones animadvertisuntur, cum non raro accidat, ut ex imitatione quidam sibi comparet hoc malum, neque ullam loquelae organon tam bene ad voluntatem suam dirigere possit quam haec. Etsi ex alia quacunque causa exsistet haesitans et syllabarum repetitiones, non alio modo evenire potest, cum literae, ad quas vibrandas conferunt, mutatis sint, minimique protrahi possint. Errasse ergo videntur etiam Serres et Colombat, qui spasmus correpta esse contendunt organa haec: nam eodem jure ex spasmco vel convulsione partium relativarum derivari possit, si protrahuntur literae sibilantes. Nullam praeterea inveni auctorem, qui spasmos tonicos cum clonicis ex eadem causa simul exortos esse testaretur: et tamen Colombat contendit speciem a se allatam secundam fere nunquam sine priore adesse. Repetitio haec contra probare videtur, omnino libera a quaue affectione mansisse adhuc haec organa, cum malo crescente spasmus e glottide propagatus etiam ea corripiat et quemque eorum motum cohipeat.

Praedispositio. Non jure plane negantur dispositionem Behr *) et Norden **), cum

*) I. e.

**) I. e.

ex omni parte educationem vitiosam inculpaverint, et inde provenientem usum organorum loquacae depravatum. Attamen magis generalis est, quam localis; interdum dispositionem haesitandi per hereditatem a parentibus in soboles transire statuunt, quae vel in peculiari partium huc spectantium conformatio posita sit, hucusque tamen nondum demonstrata, ut v. c. in abnormi nervorum ramificatione aut conjunctione; vel in peculiari irritabilitatis modo. Variat dispositio generalis:

1) secundum aetatem: praecipue ejus origini favet aetas infantilis, non solum ob praeponderantem in organismo receptivitatem, quia fit, ut potentiae nocivae quam facillime vim exhibeant, sed etiam propterea quia nonnullae, causae occasioales tunc tempora praecipue valent, ut exanthemata, helminthiasis, hydrocephalus caet. Etiam imitandi cupidus quam maxima in infantibus, quare non raro jam tenerima aetate hoc vitium originem duxisse observatum est. In illis casibus, ubi liberi parentum haesitantium malo eodem succubuerunt, non parum huic momento attribuendum. Advenient tempore pubertatis interdum augetur malum, saepius vero diminuitur vel omnino tollitur: quam infastissima tum orthi, tum continuationi haesitantiae est aetas virilis: ex maxima parte malum mitius redditur: Colombat contendit senes nunquam haesitare.

2) Secundum sexum: maribus quam feminis, maiorem insitam esse dispositionem, unanimiter se-

re contendunt scriptores, excepto J. Frankio *), qui nunquam rationem hanc observavit. Colombatio nunquam erat occasio data observandi humana mali in femina. Norden **) hanc rationem proponit mali secundum aetatem et sexum: in 580 haesitantibus erant: a sexto usque ad decimum tertium annum 228 pueri, et 58 puellae; a decimo quarto usque ad trigesimum 197 juvenes et tantum 26 sequioris sexus: et inde usque ad quinquagesimum annum 56, sed tantum mares.

3) De cum sensibilijs nimia systematis nervosi atque animi dispositionem gignit: saltem secundum observationes scriptorum haesitantes nimis sensibiles esse solent.

Causae occasioales. Non saepe factum est, ut malum ullum adeo consuetudini malae solium adscriberent auctores vel educationi pravae, quam haesitantiam vocis: sed tantum esse respectu valere possunt, ut malum hoc alias causis provocatum aliant; minime vero in homine sano ipsum gignere possunt. In illis casibus vero, ubi jam desilit vim exercere causa primitiva, haesitantia non raro consuetudine et impressione quadam remanente in nervis et musculis non cessat.

Quos jam saepissime adulti scriptores has discernunt causas occasioales: 1) psychicas: ad eas gravissimas sine dubio animi commotio-

*) l. c.

**) l. c. p. IX.

nes et pathemata quaelibet adnumeranda sunt; praecipue hoc valet de terrore, qui non modo malum nostrum, sed neuroses cujusque generis procreare valet. Behr *) contendit omnibus, quos tractandi sibi facultas data sit, casibus hanc praecessisse causam. Jam veteribus innotuerat hujus pathematio vis in respirationem et organa loquela, ut illud Virgilianum: „vox faucibus haesit“ comprobat, neque nobis experientia pauca exempla idem affirmantia profert. Casus memoratu dignissimus a medico Italico **) nuperrime est observatus, ubi praegresso terrore convulsiones totius corporis exorieruntur, si conabantur aegrotus vocem edere vel loqui, neque desierunt, dum conatus hic continuabatur: auctor casum hunc phonospasmiam nominavit. Eodem modo ira loquela nocet, neque tantum haesitantia, sed etiam obmutescentia eam quam saepissime sequitur. Pudor, teste Tissotio, vocis interceptionem et haesitantiam producit. Fere eundem effectum habet timor vel pavor praesentibus ignotis aut illis quibus reverentia debetur; a Frankio adnumeratur huc etiam nimia cogitatio. 2) Ad causas physico-dynamicas adnumerantur: vigiliae, omnem modum excedentes, abusus in venere, quae, cum sensorium omnesque nervos vehementer excitant, loquelas damnum afferunt. Similis subsequitur

effectus ebrietatem perpetuam, in qua non solum congectionum est ratio habenda, sed etiam ejus potentiae ipimicæ in totum systema nervosum et in primis in plexus abdominales *). 3) Causæ materiales malum nostrum patere valent hæc: capitis laesiones; multos in medium proferunt auctores causas, ubi exerta in caput violentia hoc malum apparuit. Extra omne dubium versatur, status morbos internos cranii, et partium ipso circumdatarum, ut hydrocephalum infantum, humorumque aliorum profusiones in crani cavo, tumores; formationesque spurias, etiam conferte ad morbum hunc, si paris vagi originem comprimant. Secundum J. Frankium **) etiam ebrietas et apoplexia huc sunt referendæ: sed qui concomitatur numerique status, non est malum nostrum, sed ille, quem lingua vernacula Gallen nominamus. Morbi medullæ, spinalis, in primis partis ejus superioris, vel causis internis provocati, vel vulnerationibus et laesionibus quibuslibet externis, saepissime haesitantia stipantur: enarrat C. Bell ***) casum, ubi praegressa vertebrarum collie luxatione vox inter loquendum intercipiebatur. Etiam morbi systematis nervosi universales, ut convulsiones, Chorea Sti. Viti, hysteria, interdum balbutiem, interdum haesitantiam gig-

*) Hufeland's Journal, Bd. 66.

**) Allgemeine medic. Zeitung von Pabst. 1835. Jan. Heft I. p. 76.

*) Hieronymus Mercurialis de morbis puerorum, L. II. Cap. 8.

**) l. c. p. 64.

***) l. c.

nunt. Ipsa quidem balbuties in nonnullis casibus causa occasionalis esse potest nostri mali, cum in pronuntiatione consonantium difficulti etiam vocalis elaboratio retardetur. Accidit, quod labores nimii organorum, quae requiruntur ad proferendas literas consonantes, pronuntiatu difficiles, linguae, veli penduli, caet. in individuis nimis tritabilibus facile convulsiones excitant in laryngis muscularis, cum eorum nervi intime conjuncti sint. Ex multifario eorum connubio cum nervis cujusque fere provinciae organismi jam a priori concludi potest, remotarum partium morbos etiam in laryngem reflecti. Tissot observavit, praesentibus in tractu intestinorum vermbus haesitantiam interdum exortam esse. Firmatur hoc a Petro Frankio *), qui in ancilla, taenia laborante, inter alia symptomata etiam vocis interceptionem vidit: etiam muci accumulatio eandem habet vim: in universum quaeque materiei proportio prava, quae dicitur stagnatio abdominalis, haesitantiam provocat. Sic Schinz**) hypochondriacum quandam haesitantem applicata methodo viscerali ab utroque simul liberavit malo. Observabant interdum melum nostrum tamquam sequelam congesti- num pulmones versus, quae vomicis provocabantur; vero cum expectoratione copiosa evanuit ***).

*) De curandis hominum morbis epit. Viennae 1805.

**) Schulthess l. c.

***) Dictionnaire abregé des scienc. med. Tom. II. p. 519.

Prout ratio varia interest inter causas modo enumeratas occasioneas atque affectionem muscularum. glottidis vel causam haesitantiae proximam, dividi potest malum hoc in idiopathicum, quod solummodo in proportione mala inter receptivitatem et energiam nervorum muscularumque laryngis, vel inter irritabilitatem organi vocis totiusque organismi positum est, ut v. c. haesitantia vocis imitatione comparata: sympatheticum, si eodem tempore cum morbo alio intrat, ut cum capitis laesione; vel denique symptomaticum, si tantum aliis morbi est symptoma ut in helminthiasi.

PROGNOSIS.

In universum dici potest, haesitantiam periculosa esse vitae, saltem nullus scriptor mentionem facit casus, quo ad summum gradum evecta immediata redita est causa mortis. Attamen non omnino est nullius momenti symptomatum complexus in valetudinem, praecipue in gradibus altioribus, propter congesiones ad caput et pectus. Respectu sanabilitatis casus illi, qui exorti sunt e causa materiali, ergo haesitantia symptomatica et sympathica, nisi insanabilis sit morbus primarius, faustiores sunt, quam haesitantia idiopathica, sive ex illis evoluta sive primarie exorta est, v. c. momentis psychicis. Eo melior est prognosis, quo minore gradu adest malum, et quo prius post ex-

ortum haesitatis apie tractari petest. Adsunt vero multa exempla in quibus etiam altiores mali gradus, et jam inveterati, admirerunt curationem, etsi Jos. Frank *) in universum incurabiles illos esse contendit. Behrio **) teste haesitantia lingualis quam célerime sanatur. Si satis est erudita mens (tournure d'esprit) et perseverantia ornata, ut facile intelligantur stricte que observentur medicorum regulae, rarissime destituet spes. Inde explicandum est, quod secundum observationes Jos. Frankii ***) aliorumque scriptorum, progrediente aetate malum diminuitur, et interdum plane cessat. Ob eandem causam Behr †) in puerulis difficultem reddi curam contendit, cum non facile sit, docere illos methodum aliquam sequi. Colombat ††) bonum esse signum dicit, si sine haesitantia canere adhuc possunt miseri.

CURATIO.

Cum ex omnium experientia hoc malum saepissime jam aetate puerili adsit, ubi incipient prima verba facere infantes, non difficile est parentibus et praceptoribus, animi attentione et

apta instructione in loquendo protractionem ejus evitare. Norden *) has commendat regulas prophylacticas: ne unquam cum severitate ad loquendum legendumve adducantur pueruli, nisi pertinacia in illis sit superanda; ne nimia vi promant sonum ad loquendum necessarium, ita ut fortasse brachiorum motus aut alii corporis natus animadvertantur, quod facilissime locum habet praegressis corporis attentionibus aut animi commotionibus. Antequam loquendi faciant periculum, profunde illis inspirandum. Morbo jam excuto removeatur puerulus a ludibrio aliorum, caveaturque ne propagetur hoc malum imitandi cupidine inter alios puerulos, aequa ac strabismus et alii morbi. Si plane excutum et gradum altiore adipeum est malum, in curatione ut in aliis morbis id praecipue respicere debemus, ut tollantur potentiae nocivae, si quae adhuc adsint, et radicibus evellatur haesitantia remediis, quae, postquam cognovimus ejus naturam causasque pro casibus singulis e medicaminum thesauro eligimus. In haesitantia symptomatica contra morbum primarium, cuius est symptoma, agendum: in sympathica idem fieri debet cum morbo, cuius praesentia hoc malum provocavit. Si balbuties eam genuit, ad hanc emendandam omnem curam conferre debemus. Nimirae corporis animique attentiones pariter atque omnes potentiae, quae haesitantiam

*) l. c.

**) l. c.

***) l. c.

†) l. c.

††) l. c.

*) l. c. p. 16 cast.

augent sedule evitentur. Quam maxime commendanda est animi transquillitas. In haesitania vero idiopathica, quam ad morbos spasticos retulimus, ratione habita constitutionis et valetudinis, eadem adhibenda sunt medicamina, quibus etiam in aliis ejusmodi morbis utimur, quae vel sedando, vel alterando vel roborando vel derivando vim exhibent ad diminuendum aut tollendum malum. Exrinsecus in usum vocentur balnea aromatica, commendentur balnea marina, unctiones excitantes, antispasticae ad collum, vel ad laryngis regionem. Efficaciora sunt derivantia, canteria, vesicatoria, fonsiculi vel ad collum, ad aures, ad nucham applicata, vel ad pectus, cum nonnulli casus, quorum mentionem fecimus, utilitatem suppurationis aliquamdiu durantis ad tollendam haesitantiam demonstrant. Quem anteā attuli casum phonospasmiae, methodo antiphlogisticae cessit, derivatio-nibusque ad nucham applicatis.

Majoris momenti visa est medicis cura psychica, et quidem propterea quia satis divulgata est opinio, exoriri haesitantiā praecipue ex educatione neglecta, consuetudine prava, vel imitatione. Nonnulli imaginationem vel potius attentionem animi haesitantium ita dirigi jubent, ut non consciī fiant vitii: contendit Bertrand *) tantum hoc modo varias methodos agere, prae-caeteris vero methodum transatlanticam, atque

perinde esse num ad calculos, quos inter loquendū ore teneant, an ad positionem certam linguae, an ad motus quosdam digitorum regulares mentem inflectant aegri. Sed videbimus multum majorem afferre utilitatem, aliaque via vim salubrem exercere hanc methodum, quam confiteri vult vir doctissimus. Alii ad voluntatis vim refugunt; etsi propositum energeticum superandi vitii multis in casibus faustum habuit eventum, tamen saepe evenit, ut tantum absit, ut voluntatis vi sanatio adducatur, ut fere omnia mali symptomata et vehementia et ambitu crescant. Ex pathematum excitatione, ut irae vel terroris, si fortuito in haesitantibus provocerunt, interdum saluber observatus est effectus; sed difficillimum est justum tempus et modum invenire, et effectus inopinati, qui raro desiderantur, vim eorum salutarem anticipitem reddunt.

Jam pridem quam maximi momenti esse videbantur exercitationes loquelae organorum methodicæ, praesertim linguae, quarum effectum, si poposcit res, mechanicis adminiculis, quae in ore collocabantur, adjuvabant. Sed multæ earum non innotuerunt, cum eodem modo, quo per methodum novissimam, tantum imposito silentio homines curabantur; ex omnibus vero, quae publici juris factae sunt, nulla breviere tempore majorem adeptam est famam, quam haec. Etsi nunc jam palma efficaciae nunquam fallentis, quam arripuerat, minime ei convenit, tamen bene merita est de arte salutari, cum medicorum animos primum in haesitantiam impulerit.

*) Archives gener. l. e.

Num methodus illa, quam adhibere solita est vidua Leigh in sanandis haesitantibus eadem sit, quae sensim per totam Europam est divulgata, dubitandum: Malbouche enim cui mandatum erat ab illa exercendae ejus in nostra regione officium, Magendio teste *), mox id visuperandum in illa invenit, quod haesitantiae in linguae radice (bagayement d'arrière) probabiliter Colombatii speciei gutturo-tetanicae mederi non valeret, illaque sanationes, quae quam celerime evenirent, non stabiles essent. Ille additamenta proposuit, et sub forma hac emendata cum aliis methodum hucusque secretam communicavit. In Germania ubi mox innotuit, vario modo exercebatur. Quam ego propono ejus descriptionem, ex illis quae Magendie *), Schulhess **), Strahl ***), Most †), de ea publici juris fecerunt, deprompta es.

Cum viderimus, a vidua Leigh praecipue linguam accusatam esse tamquam causam et secundum vitii, in cura prae caeteris hoc respicitur organon. Inspicit medicus primum totam oris cavitatem, ut certior reddatur, utrum adsinit vitia organica nec ne, — praecipue vero linguam; vario modo illam moveri jubet, quos

*) Bulletin des sc. med. XXI.

**) l. c.

***) l. c.

****) l. c.

†) Encyclopädie der gesammten medicinisch-chirurgischen Praxis. Leipzig 1833 p. 129 cet.

motus, non tam expedite cedere, quam in satis, mox declaratur. Convertitur miseri animus tunc ad vitiosam linguae in. oris cavitate positionem, atque nunc accingit se medicus et ad corrigendam hanc, et ad augendam mobilitatem. Primum linguae apicem moveat aegrotus sursum retrorsumque, et dum superficies inferior convexa inter utramque dentum seriem protruditur, attrahat sugendo apicem, et postea recelat. Tum pluries deinceps, quam celerime fieri potest, longe porrigitur lingua ex. ore, attrahaturque. Quemque horum motuum 6—12 (sexies — duodecies) deinceps exerceat, donec tandem celeriter, facileque cedant. Monatur aegrotus, ut etiam vacno exercitationibus tempore linguam elevet, ita ut ejus apex gingivas superiores vel palatum tangat: neve nocte sinus iste vitiosus revocetur, tubulus e linteo compositus madefactusque linguae supponitur. Secundum Strahlum severiores sunt regulae: adniti debet summa vehementia aegrotus linguam ad superiores dentes; quoque intervallo sexagesimaram sex interposito profunde inspirare, et tribus diebus in quibus continuari debent sine interruptione exercitationes, omnino tacendum. Quod silentium etiam Malbonche aegrotis suis impunit, exceptis exercitationibus, simulque praecipit, ut hoc tempore ab omni officio se liberent. Idem cum labiis similes instituit exercitationes. Continuatis aliquamdiu his exercitationibus, alta voce sed lente legat haesitans, prout sinat mali vehementia, vel syllabas tantum singulas, vel vocabula, sed semper respirari linguae positione et a medico et ab aegroto. Quae difficultio-

ra sunt enuntiata vocabula, illa saepius repetere jubeatur aegrotus; et medici est, docere eum, quomodo singulae literae proferri debeant, interdicere ei, ne loquatur nisi praemissa inspiratione, vel saltem sufficiente aëris copia in pulmonibus, neve faciat motus vel nitus, quibus non opus est. Si observatur in pristinum vitium incidisse aegrotum, subsistat statim, atque recuperata animi tranquillitate denuo legendi periculum instituat. Quae legendi exercitationes alternare debent cum illis, quae ad linguam mobiliorem reddendam commendatae erant. Serius e libro quolibet praelegat periodos totas, in quo tamen officio, ut justo tempore respiret, admoneatur. Si hae regulae observandae communicatae sunt cum haesitantibus, medicoque praesente primae exercitationes institutae, illis permittere possumus, ut soli loquantur, vel, quae antea memoriae tradita erant, recitent, et, intermissio aliquo temporis spatio nil obstat, quin cum aliis colloquantur, nisi fortasse ipsorum timiditas, quae tamen mox evanescere solet, si in primis conatibus se liberatos esse vitio compertum habent: in colloquendo vero primo tempore eadem observentur regulae, quae in legendi exercitationibus commendatae erant. Quae si faustè hucusque cedebant, nil restat, quam ut aegrotus jubeatur, pergere adhuc sine medico in exercitationibus, ne sanitatis specie, quam per aliquod tempus prae se ferat, decipiatur; nam quam saepissime observata sunt recidiva.

Variant sanationes completæ quam maxime quoad tempus in quo perficiuntur, pendentque

minus e mali gradu aut vehementia, quam inde, num confidat aegrotus omnino medico, et remedio in usum vocando, sitque propositi tenax homo. Magendio declarante homines ex inferioribus ordinibus, rustici, qui magna gaudent energiam, facilius malo hoc arte adjuvante liberantur, quam pueruli, hominesque effeminati. Si accedit ad characterem talem eruditio quaedam, sanatio acceleratur, ita ut in nonnullis casibus intra dies paucas, quin horas, sanatio sit effecta.

Aliam in medium profert methodum Serres *), qui in specie labio-choreica sufficere putat, si cito et cum vehementia (brusquement) pronuntientur syllabæ; nam hoc modo fieri, ut in compositis vocabulis primam syllabam prolatam facile subsequantur reliquæ. Praesente vero specie gutturo-tetanica, non sufficit hoc, sed conjungi debent his laryngis, linguae aliarumve loquelae partium motibus adactis brachiorum motus sortes, quae in loquendo quisque vel ipse vehementia quadam vibret, vel ab alio trahi jubeat. Si tamen fausto adhibita hac methodo bene loqui didicerint haesitantes, sensim immiuuantur motus illi, quoad gradum et crebritatem, donec omnino iis opus non est.

Itard *) mederi consabatur faustissimo evenitu huic malo, puerulos haesiantes omnino no-

*) Bulletin des sc. med. Tom. XXI.

*) Dictionnaire abrégé des sc. médicales. Tom II. p. 521.

vam ediscere jubens linguam: vetiti illi omnino erant lingua vernacula uti. Alia ejus propositio non tam facilis est effectu; nam obmutescere omnino jubet puerulos haesitantes in totum annum, eoque peracto denuo ediscere linguam vernaculam.

Dupuytren *) haesitantibus consultit, ut musicae ediscendae operam navent, canentesque loqui conentur, qua etsi simplici methodo saepissime sibi vitio huic mederi contigisse affirmat.

Colombat **) novam sanandae haesitantiae methodum in usum vbcavit: eodem modo, quo prima a nobis allata, iincipit cum oris partiumque loquela omnium inspectione, qua finita legere aut colloqui jubet aegrotum tum, ut certior reddatur, existatne nostrum vitium, an aliud, tum speciei accuratius dignoscendae causa. Haesitantiae labio-choreicae respondent exercitaciones in legendio, quibus multa difficultia pronuntiatiu vocabula sine interpellatione proferre discunt aegroti: numeris quibusdam accommodata sunt vocabula, in quibus pronuntiandi excentur. Duabus lectionibus (seances) finitis ex plurima parte jam apparet sanatio. Loquentes postea admonet ut, si ad verbum difficile perveniant, antequam pronuntiare conentur, pluries deinceps profunde iuaspirent. Haesitanti-

am vero gutturo-tetanicam nequaquam his superaturum spes: refugiendum est ad gymnasticam peculiarem linguæ, quam praemissa inspiratione profunda, retrorsum ad fauces attrahit, elevarique ejus apicem ad velum palatinum. Si hoc modo perfici potuit elaboratio syllabæ cujusdam difficilis, in solitum cogatur situm lingua: interdum instrumentum quoddam, ab ipso brise-langue nominatum, adhibere solet, ut detineatur lingua in positione modo descripta. Est hoc lamella ex argento vel eburno confecta, forma simillima soleæ equorum ferreae, quae inter maxillam inferiorem et linguae inferiorem faciem collocata ad dentes affigitur. Ex eodem fere consilio Itard furca ex auro vel platina confecta uti solius est. Semper ad numeros haesitantibus est loquendum, indicaturque rhythmus loquendi regulariter admovendo police ad digitum indicem. Jam mox apparere affirmat, quæ exspectabatur, effectum. Tempus, quo perficitur sanatio, non idem in omnibus casibus; sed ne prius se sanatos esse omnino opinentur haesitantes, quam organa loquela firmitatem talem aquisita sint, ut iis justie utiliteceat, monet.

Arnott *) remedium esse mali nostri affirmat, si syllabæ singulae vocabulaque inter se ita conjungantur, ut periodus tota tantum vocabulum unum, sed longissimum esse videatur.

*) Colombat l. c. p. 80.

**) l. c.

*) Schultess l. c.

Quod optime fieri posse, interposita inter syllabarum vocabulorumque interstitia lit. e, eaque producta; impediri eo rimam glottidis, quomodo claudatur, atque evitari ita haesitantiam. Jam praeponi potest lit. dicta cuique vocabulo et periodo, ita ut sermo insigniter protrahatur. Cum vero viderimus sermonem tam, a Schultessio ad infimum haesitantiae gradum relatum esse, uti hac methodo nil quidem est, nisi commutari altiore mali gradum in minorem, quod tamen interdum jam magnopere expetandum.

Hae sunt omnes haesitantiae sanandae methodi, quarum cognitionem mihi comparare potui. Quaeritur nunc, qui fiat, ut uno eodemque mali tam diversae methodi cum faustissimo, ut affirmant scriptores, eventu adhiberi possint? Me judice haec diversitas tantum adesse videtur, habentque omnes methodi plura communia, quam scriptores, qui plus minusve asseclas sunt singularium, confiteri volunt.

In primis omnibus hoc commune est, ut psychice agant. In quoque fere haesitante, si instat momentum quo liberatum iri se vidit mali hoc cruciente, totum nervorum sistema alienatur: et spes excitata, et fiducia tum in methodi adhibendae efficacia tum in medici eruditione dexteritateque posita, et gaudium, si primi processus in rite loquendo animadvertuntur, voluntas strenua superandi ex omni parte mali, haec omnia momenta quam maximi aestimanda sunt in quaque sanatione. Observa-

tum quidem est a medicis illos, qui omni animo se dederant medico, semper omnino esse sanatos, et quidem celerius quam qui non omnem in medicum transferebant fiduciam. Ex parte etiam eo in psychen agitur, quod inspectione oris cavitatis partiumque vicinarum mox persuasum sibi habet aegrotus, nullum subesse mali vitium organicum, magisque hominum artis ignororum esse opinionem, non tolli posse haesitantiam, quam natura mali stabilitam. Eo et motibus sequentibus methodicis, ut illos commendat vidua Leigh et Colombat, sibimet ipsi confidere discit aegrotus, cum hoc organon mali esse causam suspicetur, et motibus ejus, qui sensim expeditiores fiunt, et consonantium articulatione minus laboriosa, quae sequitur ex illis, majorem nanciscitur dexteritatem eorum tum prouinciandorum tum cum vocalibus coniungendorum.

Tum in eo conveniunt fere omnes methodi, quod earum diversissimo consilio adhibitarum, et ad organa varia, quae creduntur esse sedes mali, relatrum, effectus proxime concurrunt in glottide tamquam in centro. Jam linguae exercitationes minus proderent, nisi afferrent mutationes in linguae radice, in larynge cum ea, arctissime conjuncta, in ejus muscularis caet., sive ex organica harum partium nervorumque ipsarum conjunctione derivandas, sive ex earum motuum associatione. Quod connubium inter linguam et glottidem probatur observatione Magendii, qua juvenem institutis sedulo his exercitationibus, dolorem satis vehementem in

glottide sensisse voceque privatum esse manifestatur: brevi tempore evanuit utrumque. Secundum Schulthesium remotiores glottide partes participes sunt motuum linguae: in quoque linguae exercitio dolorem vehementem, trahentemque in occipite oriri vidi. Quod ad effectum cantus, locutionis rhythmicae, vocabulorum syllabarumque tensionis, is jam directa via ad rimam glottidis referendus, etsi auctores nonnulli, omnino alio consilio singulas prescribant.
